

陸射山詩鈔

七言律

集朱子葆山樓

勝集經年續舊遊。開簾春色故危樓。天涯戰伐楫前遠。河翔風塵座  
裡收。搖落才名虛管葛。蕭疎禮法失羊求。郊原竟日容吟賞。把袂臨  
風一散愁。

贈陳礪菴

漳海先生世所宗。知君才穎早相從。玄經絕學推平子。黍律精思得  
仲容。短檠著書貧未就。華顛推步老誰慵。精廬更有康成在。絳帳表



風隔幾重

臨平即事 二首之一

瓶山尋丈倚高原。指點韓王棘壘存。東渡君臣長在眼。南來功業竟誰論。雲深虎豹霾山寺。雨暗蛟龍戰海門。春草自青啼鳥發。憑高極望一開樽。

塘西遇韋劍威

長雲靄。越山低。日暮春風拂大堤。客計短衣仍輓轡。歸來儒服散征鞞。徂翔六月垂鵬翼。款段千金病馬蹄。此地相攜還願盼。建炎幾甸草萋。

寄題萬年少隰西草堂 四首之一

隱跡牆東自絕群。遙知軒檻傍飛雲。無論出戶窺天象。久已逢人示地文。南國英雄長寂寂。楚人騷辨獨紛紛。塵埃騁望還遺跡。戲馬臺高入翠氛。

搖落羣賢去五湖。中原相望幾踟躕。鹿門賓客還誰在。北海才名更有無。座上風雲生願盼。愁中光景失須臾。春來忽下江南棹。定憶東吳舊酒徒。

飲周晦如齋同似青亦士

高樹鳴蟬隱畫廊。漸來明月照飛觴。千金伏櫪悲龍種。萬里征雲起

雁行竟日涼。風吹爽颯幾時霖。雨破蒼茫。莫辭斗酒論河朔。年少風流未易忘。

酌余大梁

十載離群興未孤。愁來風雨滿東吳。喜看二仲過三徑。何處扁舟去五湖。詞客秋霜憐對鬢。王孫春色隔歸途。讀書擊劍年。老更勿逢人說酒徒。

冬日雜感 八首之六

江平殘雪覆晴沙。郊外輕寒白日斜。地僻幾年違戰伐。天清千里見雲霞。積思遲暮文空就。結軫蘅臯鬢已華。獨擁褐衣還塞向。中原處

處有悲笳。

歲華搖落序頻遷。岩岫淹留桂樹篇。貧去交遊多責問。愁中光景易流連。荒邨地僻驚過客。瘠土田枯苦稅錢。乘興可能輕獨往。五湖應有木蘭舡。

石臺香氣自徘徊。蕙葉蘭根長碧苔。高閣散雲朝爽入。輕簾含月夜珠來。長天鴻雁寒猶去。大澤魚龍莽自哀。江上何人吹玉笛。梅花春信一時催。

江左群賢盡陸沈。山中丘壑起鳴琴。潛蛟自愛三冬卧。老驥難降萬里心。作賦雄風虛綵筆。論文禱雨斲黃金。年來莫怪升沉態。荆棘芝

蘭本異岑

吳門越嶠接朱餘。海曲江臯稱隱居。別野晴雲人載酒。講堂寒月夜  
讐書。九州更與窮駒衍。七澤聊應賦子虛。回首吳山雄絕處。秣陵宮  
闕已丘墟。

霜華瑟。點輕裘。故國飄零失蒯緱。亂後十年耽伏枕。愁來百尺罷  
登樓。臯橋路近停車問。舟里濤生倚棹遊。玉氣六朝零亂盡。山川如  
畫古揚州。

集帶星堂

亭臯春色紫烟空。百里舟車信晚風。世外紀年忘魏晉。人間岐路失  
西東。誰言駭骨歸燕市。自昔蛾眉薄漢宮。每抱朱絃一愁絕。却憐同  
調有群公。

過毛馳黃

江城搖落客頻來。為有臨風作賦才。華歲善愁還抱膝。壯年多病獨  
登臺。序成玄晏爭名價。詩過黃初有別裁。一向鹿門長極目。斜陽遲  
策短轅回。

集寶綸閣

蕭蕭落木點流寒。白雁徊翔客倚樓。不盡青山浮巨壑。無邊積氣動  
滄洲。早時風雅三吳士。故國烟濤八月秋。遺跡遠尋高士傳。世皇端

拱有巢由

集靈京齊同伯調美含梯霞尹來

空堂微雨暗。楫櫂。檝燭輕簾子。夜初。江左風流兵革後。鹿門賓客散。凶餘。嚴城吹角。關山怨。暇日登樓。髻髮疎。秋到吳山原絕勝。錢塘裘馬近。何如。

孫守台汪魏美招過湖上同寫無逸林衡者

遠歌名勝。隔喧闐。別館幽期。載酒筵人外。高冠論意氣。山中野服。自婵娟。流連往事。俱千載。率爾春風已十年。亭畔莫驚鷗鳥散。夜來同放木蘭船。

與許欲爾

爾祖高名絕世詩。明時拂袖向天涯。兩垞太守貧官俸。三徑諸生處士家。風繞水絃操桂樹。雲生溪路隔桃花。坐來未覺風流遠。處處看留翰墨華。

與陳近思

別館張燈更漏清。玉壺名酒夜縱橫。尊前說劍愁難寄。老去雕虫意漸輕。抱膝十年如過隙。含睇千載未忘情。從來群謝多才子。徵士於今起大名。

呈文介石先生

一官垂老報經明。萬里寒飈隔死生。故國碧雞年少夢。秋風玄雁異鄉情。神明淡泊全生易。宦業蕭疎拂袖輕。猶是諸生相誦法。肩輿到處有逢迎。

與秦汝翼儀制

十年戎馬暗江湘。六代君臣事已亡。柱史西臺虛罷命。仙郎南省拜封章。芙蓉沉雨彫朱邸。禾黍凝雲滿帝鄉。桂棹夷猶一相問。楚人無賴是相羊。百千野哭不堪論。十載春風掩泪痕。極望蒼梧愁帝子。空懸白日照中原。異時車馬仍江左。故國風烟滿薊門。直擬長號更無處。楚人憔悴賦招魂。

悴賦招魂

與彭仲謀童百旃

才子風流老益驕。孤城寒色隱漁樵。十年作賦禁搖落。九月清秋臥次寥。青海雲生秦徃雨。赭山風上寶虛潮。伯牙臺側移情甚。有客聞琴獨倚橋。

與吳仲木

曳履尚書著盛朝。太常名字又雲霄。萬言青瑣傳封事。三月烏啼泣大樞。卒歲為裘裁紫芟。逢年終畝稼良苗。城南咫尺行吟地。高士湖深山寂寥。

與吳維申

水繞孤城棹倚灘。相逢重話十年歡。春風橋李城頭酒。秋雨錢塘客路鞍。短髮欲絲催荏苒。虛舟隨意極波瀾。高齋為爾淹留座。黃菊丹楓爛熳寒。

與祁奕喜時居蕭山園寓

寓山亭榭枕高丘。短棹重來憶舊遊。芳艸獨陪公子屐。梅花長護尚書樓。夕陽寒吹彫紅葉。遠水晴烟散白鷗。每憶子真懷賀監。君家遺迹又千秋。

過曹石岑湖上

萬疊青山俯畫闌。美人良宴對晴瀾。坐聯李冶頻呈賦。狂許劉楨恣意看。紫馬調嘶驕玉轡。朱絲宛轉怨香檀。芙蓉老盡西風冷。肯惜尊前竟夕驩。

送何爾如之山東

一朝數徙未安居。北向重脂遊子車。六月短裘行濟灤。十年舊事滿青徐。客依幸舍先彈鋏。履向朱門許曳裾。衰草茫茫雲萬里。東南矯首意何如。

酬吳若谷太史見貽之什

金門詞客早歸來。滄海塵生莽自衰。世事浮沉千載恨。鬢華霜雪四

時催亭齋繡佛逃長印黨塾傳經有異才聞道片雲開絕壁桐江高  
峙客星臺

同百旃姑蘓懷古

江分揚子絕南津禹甸荆蠻大澤濱開邑姑胥懷太伯離宮桃夏借  
春申樓頭燕去秦人火洞口麋還越國春一向靈岩問遺跡空山響  
櫛有遊人

射臺芳草碧萋萋苦酒城寒舊葉低二嶺相趨錦峰北五車分瀆浙  
江西雲深澤國龍還戰客散山塘鳥自啼匹練何人驚破楚蕭蕭白  
馬正長嘶

虎丘遇孫彤侯查逸遠

闔閭門外祥紛紜斟酌橋西日又曛千里壯遊還別我五更殘夢却  
逢君山塘花草看無主畫舫笙歌自有群虛閣可憐祠短簿神烟寂  
寞冷春雲

錫山

銀塘曲折翠微東水漲晴川好泛蓬自採名茶方穀雨來烹山乳正  
松風吾家季子仍祠廟何處春申有廢宮借問錫山有錫否中原烽  
火客途窮

與漢陽王懷人亦世



風煙蕭瑟客衣寒。江上相逢握手看。容易兵戈催老大。流連宴飲惜  
艱難。雲開漢口山川出。潮上雷塘鼓角殘。芳草坐衰歸思緩。湘靈帝  
子搃滂。

與梁仲木

大江雲色接蒼茫。斷角孤城海氣黃。雙鬢短蓬隔生死。一尊斜日話  
興亡。悲歌屬和原同調。旅夢難成久異鄉。南去山川足遊賞。風塵愁  
化客衣裳。

與梁公狄

憔悴臨風爾善愁。浮雲西北一登樓。中原百戰山河改。故國千年涕  
淚收。亂後詩篇追杜老。舊時絃管又揚州。為誰更咏離騷賦。伏女瑤  
臺不可求。

廣陵寄張嶧臯沈寅工

簡傲張融愛索居。風流沈約近何如。堂前絳帳新開講。架上牙籤舊  
校書。清梵珠林聽唳鶴。輕瀾銀沼看遊魚。征衣五月塵難浣。回首鄉  
關信每踈。

朱近修寓中小集

如雲賓從各憑陵。風雅縱橫許自矜。座上美人傾翠羽。簾前箏妓寫  
朱繩。画橋啼鳥明燈散。官閣鳴鼉曉日升。縱使主人還滅燭。齊髡一

石已難勝

集劉峻度齋

空堂明月迥離塵。鼓瑟鳴箏醉錦茵。越石風流自才子。士衡憔悴愧詩人。含香荷葉田田細。照眼榴花艷。新多病畏聽名部曲。每閱哀樂便傷神。

集劉孝顯

車如流水盡停輪。日暮尊壘爛熳陳。辭客西園名下士。妖姬南國掌中人。月華消地爭遷坐。銀漢垂天欲問津。公子自來能愛客。新詩開府迥難倫。

史道隣先生墓

墓先生衣冠四首

丞相聲名久自垂。墓田荒草莽堪悲。千秋想像空冠履。數尺封題自歲時。殘壘滄江嘶鐵馬。平原風雨散靈旗。舳艫不斷蛟龍宅。頻歲樓船大濟師。

樞府陪京鎖鑰存。獨留遺老建屏垣。豈知江外孤臣跡。久作中朝逐客論。遠海烽烟驚楚甸。晉陽戎甲又荆門。一官寄跡空籌策。廊廟雍容相國尊。

隨堤官柳萬株斜。驛路年過客車不改朱。門臨大道依然翠袖泣。鉛華春愁浩蕩聽征笛。往事蒼涼隱暮笳。寂寞城西一坏土。鄒雲殘

霽龍歸鵝

鼎湖猶自泣遺弓。南國君臣想像中。玉氣不收鍾阜紫。宮花愁見碧  
城紅。江淮控扼。慙諸將。蜀將道紛爭。媿百工。一薦蘋花。還矯首蒼梧  
南望。楚雲重。

過文選樓

旌忠祠後有危樓。帝子名高榜署留。未必攤書曾此地。偶然遺跡在  
名州。空庭首藉嘶邊馬。別院旗檀聽午鳩。棟宇廢興終不改。六朝文  
蒸一人收。

同張天生徐蘭生過秦壽臣嬾園因宿蘭生齋中

錢塘秋色偶追尋。共鼓輕橈返碧林。尊酒且忘天下事。高吟一見故  
人心。風吹六雁霜初下。烟散寒鴉日易沉。莫訊名園舊歌舞。主人高  
卧獨鳴琴。

過陸儼胡兼呈陳際叔

如君師友道何尊。閉戶奇文自討論。白社風流偶然事。朱扉地望幾  
朝恩。紀群交藉原仍世。王謝才華每一門。檻外不妨車馬跡。江南耆  
舊幾人存。

過西寺與張季和

隱、殘雷過雨輕。曲池花影報新晴。半天鐘鼓高城暮。拂地旌旗古

戊平芳草頻年長牧馬衰楊五月尚啼鴛書齋蕭瑟過從簡猶自逢人苦送迎

寄嚴灝亭兼訊亂情

芙蓉青瑛路漫。故國遙憐尺素殘。十載浮名長慨惜。百年封事識艱難。春深鶴禁鶯花逸。漏斷龍城畫角寒。玉竦橋西好風景。舊時遊賞記盤桓。

同張元岵先生過徐武靜遺錢牧齋先生在雲間出書見示索和

金谷蘭亭有異同。雲間高會更秋風。青山吳下諸名士。白髮蒼英洛社翁。明月半沉冷海白。繁星不動絳霄紅。却憐遊艇來偏晚。雲竚輕梳谷水東。

武靜開燕後數日而余至

虞山雅望領諸生。徐子才華滿舊京。心事離愁偏合樂。行踪山澤偶孤城。危旌遠戍屯千騎。殘角清霜醉五更。惆悵河汾舊岑薛。白頭相對話昇平。

旅思德州舟中作

中原風物十年非。短策征途旅興違。天外山川通絕域。日斜風雨戀殘暉。鶯聲客路頻隨馬。柳色征塵并上衣。北去玉河開濟泗。孤篷更

逐亂雲飛

與史極超

鳳城初日映軒墀。跋履何人入座遲。雲滿玉鞍歸苑後，香飄錦袖退朝時。垣星最近占三象，琪樹爭開第一枝。故國論交疇昔在，絨書還許寄相思。

與秦補念

簡書携捧意縱橫。楚細齊盟未許爭。北闕論詩頻奪席，南宮射策早連城。即今三謝歸華閣，自昔淵雲有大名。莫恨年來耆舊盡，名山行見史書成。

陳與文見遇

伏枕深慙過客情。開軒強起話平生。百年經業存師友，三世通門有弟兄。一見長文知舊德，可堪慧曉已逃名。衰楊宿草尋常恨，追遡興亡滿淚纓。

答梁仲木見貽原韻

紅葉瀟天水，遠邇十年風雨杜柴門。豈堪此日山川異，猶有當年涕泗存。世變興亡空老大，同流河濟自清渾。幽蘭寂寞長延佇，閭闔無勞倚帝閭。

與慧幢上人

祇林香剝冷蒼松。石逕雲深扣遠公。假觀寶幢含暮日。散齋珠殿落  
輕風。朱門蓬戶推遷後。白社青山杖履中。長為逢迎出方丈。虎溪今  
在紫薇東。

荅美含見貽原韵方自燕山歸

搖落江山萬里看。不堪相見問長安。八陵春草鳴駝健。三輔秋風画  
角寒。長見帆檣催粟帛。虛隨車馬辨衣冠。衡門舊隱還無恙。遲爾同  
來把釣竿。

寄社望回真源北

桂棹夷猶手自調。九河春水散層冰。偶然入洛隨張翰。却喜同舟是  
李膺。青草平原驅健馬。黃雲絕塞按飢鷹。因君更憶曾遊處。欲賦雄  
都愧未能。

送胡天岫遷居武原次美含原韵

碧樹青山勝地開。琴書千里負携來。孤根避地貧無定。早歲辭家老  
未回。隱不違親還築室。愁工作賦獨多才。明年擬問韓康市。知近鍾  
期海上臺。

有恨

若乃東隣未嫁。南國無媒。星是匏瓜。虫名獨宿。瑤華抑贈。更  
以貽誰。瓊瑤難留。未脚處。所明燈空。局總是無期。石關啣悲。

烏能作語何用埋憂因之寄恨纏綿反覆情見乎詞

碧城消息杳難期河漢茫茫極望遲銀篆夜香靈鑠合玉屏青障繡  
簾垂迺題帶眼量時換尺素緘書誤久遲吹徹五更清夢斷石闌花  
影自參差

玉闕鴻度火低流碧砌勻霜蟋蟀秋玉第更衣空望幸娼樓扶瑟迥  
含羞唾花紺碧尋常看珠泪紅冰散湧收不及漢宮圖畫日小家生  
長後時愁

明星散影露含珠桐樹啼烏尾碧逋蕙苗銀缸双蒂影鴛鴦紈扇並  
頭圖單身萤火心難報成匹天孫理盡誣不是蛾眉何足論十年紅

### 泖瀆蘼蕪

帝子嬋娟隔淡川亂雲雙鬢拂珠鈿芙蓉翠鏡涵秋水楊柳青螺縮  
暮烟刻畫班駘空望遠徘徊黃鸝自參天分明心事彈碁局博士投  
瓊盡惘然

高天霜冷越王樓黃蘗成林繞渚洲隔谷長歌紫駟馬江州爭唱白  
符鳩衲襠繫帶征夫恨緯緯牽舟估客愁上馬投鞭誰氏子婆娑揚  
柳綠津頭

可憐齊唱夢魂勞五馬車輪鑰石篙泪濕刀環丁督護歌殘斗帳鄭  
櫻桃巴渝結曲三春色隴峡潺湲萬里濤生在石城江水近朝：梳

柏望江臯

寄張元祐先生山中 三首

千山落木策孤筇。倚笑雲中第幾峰。舊國埋憂何處所。老年乘興獨  
從容。排雲片影盤孤鶴。枯壑三冬蟄卧龍。日。西冷見歌舞。玉津哀  
草戍樓烽。

夜難紅燭染陰糜。編就玄經手自披。禍福史家深自信。是非亂世總  
傳疑。高齋霜雪棲遲候。殘歲風雲慘淡時。珍惜名山留副帥。千秋旦  
暮竟誰貽。

艇子乘流處。。晴湖寒動晚來波。百年多難憑尊酒。信宿尋歡倚  
棹歌。江上旌旗京戍柳。山中礪戶帶烟蘿。蕭騷白髮渾無恙。欲俟河  
清可奈何。

過王文叔文叔時館陳雪灘在沐府後街精舍 沐府今為官署  
旃檀精舍讀書樓。遲日相尋散客憂。故里風煙三月夢。帝城花鳥十  
年遊。香消首菴迷芳樂。路入蘼蕪怨莫愁。鼓角期門更闌咽。如雲賜  
第舊玉侯。

和香奩

殘夢醒來雨不收。五更鐘斷景陽樓。大都滿意原無望。細事關心別  
有繇。花外窺人携便面。簾前醉客墮搔頭。莫教容易消春恨。趙瑟秦



箏。總是愁。

酬沈容谷原韵

何人年少起才名。風雅君看滿帝京。小國舊曾陪楚細。中原久不問齊盟。雨花山近空臺迥。桃葉波長画舫輕。此地相逢一携手。江山搖落暮雲平。

與王綏山三首

故人分閩石城西。客子春遊信馬蹄。語默未妨岐出處。升沉長自判雲泥。征裘潦倒塵難洗。軍令從容手重携。擬築草堂開小逕。秦淮絕勝浣花溪。

白門城闕帝皇畿。滿目山川事已非。但使甘棠歌使節。緣知杖杜好緇衣。春風樓閣鷄鳴棗。落日帆樯燕子磯。仍許停鞭縱遊覽。却令遊子賦忘歸。

幕府蕭條白日寒。城南草色滿長干。祇林風度飄鐘磬。官閣雲生覆井幹。無復烏衣開第宅。至今淮水自波瀾。使君戎務偏多暇。能托新詩仔細看。

與許稚圭

草堂春雨共聯床。山館秋風更舉觴。往事追論今老大。故人相向倍蒼涼。征途樹色連春嶂。官署花陰鎖夕陽。強欲相從不勝醉。玉壺清

酒夜偏長

遊仙詩 有叙

原夫體性同根。薰修異拘。苕華夕墮。金石長堅。狗物消盈。弱  
帝與靈椿等盡。葆真凝閱。靈源超萬劫。永存生滅。盡無歿壽。  
不二。乃至安期玉舄。子晉瑤笙。靈跡照然。群生悲願。度蒙山  
而問道。依茅嶺而尋師。然而內景初開。參同未註。十二事難。  
備空。邱丹丘四萬年一傳。誰登紫府。英雄浩嘆。已失田需。富  
貴無成。妄髮繁大。獨有棲遲之士。或窺玄秘之篇。人去中州。  
遙尊若一。客從吳市。更見子真。弘景樓中。長源屏上。書未石  
室。嘯近菴門。知此理之。不誣。戚吾生之。易竭。斯固道行之所。  
歸。是以憑虛可踐。僕少困經生。壯違本意。抱子雲之短。熟白  
首。自傷撫元亮之孤松。朱顏不駐。猶自顛愚。深茲愆戾。同學  
沈蔡二君。懿戚陳子。家仲紫度。共啟玄情。同依哲匠。如分靈  
束。望蓬島以非遙。或飲流霞。合紅泉而可酌。而僕獨病。銅塵  
壙。愁纏靈府。竊笑陳思之辨。或味景純之詩。靈運生天。敢為  
妄語。遠遊筮易。定有時人。晞髮三山。倘逢負局。追踪五嶽。或  
許山。臥賦。和就。於大人情。寔懷於上士。

三山縹緲欲褰裳。衣帶縈迴未阻長。散髮從來忘歲月。掉頭無復問

滄桑鳳臺天外聞清響。鴻室淮南有秘方。幾笏樓居對寥廓。白雲無盡是吾鄉。

挹浮丘袖拍洪崖。長嘯乘風命伍儕。珠斗禮殘銷玉篆。輔星窺罷鎖瑤齋。千枝若木含陽耀。五色神芝運紫莢。莫遣浮名誤冲舉。仙家十賚有崇階。

鴻蒙搏土見群生。身在崑崙千仞城。碧月流珠弦允良。黃鐘起律轉丁庚。方壺騁轡隨晨夕。蒙穀逢人失姓名。漢武燕昭盡惆悵。可憐千載未忘情。

盡排火粒事遺沙。白日青粘駐妙齡。金景六符迴紫度。琴心三疊鼓黃庭。鹿車霧起迎徐福。麟脯香生宴蔡經。誰為韶華悲逝水。迴林千載自空青。

隔絕塵埃勉自持。千生結習豈難移。丹鉛自草中經註。弟子羣爭左傳詞。無諱爛腸仍縱酒。未忘綺語乍稱詩。黃金鑄就還兒戲。漆水桐刀莫更疑。

海上輕雲萬丈斜。遙看玄圃映瑤華。桃花種老多成藥。靈朮携來總是瓜。共醉玉鑪三澗雪。長分寶鼎一杯霞。紅樓窈窕吹簫處。只在人間路未賒。

白門偶作十首之三

宮苑平臨燕雀湖。禁城春色散平蕪。歌聲併作伊州曲。軍帳分明絕塞圖。馳道晚風橫過馬。官衙夜月啄飛鳥。青溪九曲流如昨。更許僧施泛棹無。

魏公甲第沐公門。棨戟參差畫不喧。遂有官司開列署。依然鈴閣倚高垣。風流驃騎航何在。冠蓋烏衣巷獨存。把酒旗亭一枕醉。孤城喚鶴已黃昏。

紅亭碧砌遍黃河。宛轉徘徊想未過。五月明燈猶競渡。幾家畫閣自笙歌。重尋舊事隨流水。且為韶光惜逝波。桃葉渡頭人去盡。盛朝風物竟如何。

### 烏龍潭同客子

曲巷幽溪路不窮。尋真更入翠微宮。春殘密樹繁啼鳥。雨散空潭映彩虹。舊苑無人荒草合。高城回首鄴園空。百年冠蓋風流地。惆悵開元白髮翁。

### 清涼寺

石城西斷古臺平。雙樹鳴鳩午日晴。翠磴百盤臨大陸。黃圖萬井壯陪京。教尋遺跡悲人事。猶有閒僧問姓名。拂面西風歸興發。白雲東望浙江城。

### 過顧茂倫遇朱長孺

遙指垂虹問遠津。仲卿門。迺少將迎。斬新詩卷開細帙。看舊人來識。姓名晏歲短楊。曾係馬殘春。獨樹自啼鶯。自憐遊子天涯恨。門外烽烟路未平。

和耘蓮聽慧幢說天台法即看伊璜家伎之作

紺殿雲深覆綺羅。并將天觀聽笙歌。諸天遊戲阿羅漢。色界聲塵乾闥婆。花雨沾濡晴晝永。仙韶縹渺晚風和。鯨魚儼向洹河發。一振威音意若何。

和耘蓮看伊黃家伎四首

瓊峽春深燕集開。群公綏帶共登臺。風前絲竹還攜妓。笛裡關山正落梅。香起步廊朱鳳却塵銷。齋閣碧鸞迴南榮。徒席隨林下。唱和誰分梁苑才。

襄國中山妙盡傳。携來幾部傍林泉。柘枝才舞驚初見。桃葉輕歌倍可憐。豈有黃門推笛韻。爭疑陌上撫箏絃。懸知楚客多愁思。并向春風惜盛年。

芍藥烟濃柳帶新。經時憔悴畏春春。那堪南郭先生病。更對青山妙麗人。一去蔡謨違雅席。千年張雨是前身。宮商扣激應無倦。絕勝長安逐馬塵。

羌管胡茄滿四陲。霓裳聽罷獨啣悲。只疑番調安公子。好譜新聲楊

叛兒捉搦獨憐春。暮日娑拖轉憶少年時。伎堂竟日貧相對。落盡飛花。總不如。

送慧幢之茗水赴主講席

天台宗旨為誰提。重見荆溪向雪溪。更與津梁開寶筏。頻憐矇瞶振金篋。三車再轉還江外。八部同瞻又浙西。却笑人間謝康樂。欲依蓮社每分攜。

和綏山遂拙詩原韵八首之五

拂袖歸來及暮春。烟霞從此更相親。未應軒冕徧遠性。且令乾坤騰此身。雲斷海門千嶂遠。嵐烟銷江渚數峰新。何人寂寞耽詞賦。慧曉

由來托比隣

驕驕斜倚玉鞭籠。薊北淮南笑轉蓬。自愛輕裝從吾輩。何妨高揖謝群公。小山翠蒨還招隱。大樹飄搖耻論功。回首雲霄看羽翮。如君真不羨冥鴻。

白門烏榜去年遊。九曲清溪每泛舟。市上逢人悲說劍。江干作賦恨登樓。笙歌乍憶當年事。烽火頻驚故國秋。却喜使君偏踐約。投箸真不再淹留。

故鄉風物滿滄州。散髮留連自有由。亭榭不嫌三迳草。烟波無恙五湖舟。幾年倚徙青雲路。此日琴尊綠野秋。莫向丹青羨疏傳。黑頭歸

去竟誰傳

行藏我亦借前籌。林壑丘園久逗遛。物態雲泥同颺盼。名聞晷失  
千秋愁。侵風雨。鶯散老夢。斷關河。柳色稠。君自滄江擬龍臥。故人生  
計在漁舟。

丙山招飲醉不得赴

浮白當筵強自誇。即携高枕掩庭紗。驟衰勝氣難降酒。漸老朱顏怯  
對花。金縷夢殘高晏晚。玉山頽向夕陽斜。尋常一負過從約。艾俎蒲  
尊惜歲華。

四日即事示寅工

南浦回舟夕照沉。畫簾深坐晝陰。羞同齊國吹竽技。終抱陵陽泣  
玉心。弱草輕塵愁綠鬢。翻雲覆雨怨黃金。須君努力千秋諾。季布殺  
名自古今。

寄徐宋之兼呈茂倫長孺雪樵

檣李停雲百尺斜。松陵過客採瑤華。贈携縞紵通交籍。根蒂騷愁托  
賦家。名士風流存正始。詩人月旦入元嘉。獨憐阻僻違壇坫。燧火江  
城道路賒。

過硯耘美舍值仲方在坐

亭館參差翠靄濃。梅花時節乍相逢。幾年耆舊看零落。十月風霜偶

過從高閣遠，啣平野色空。  
簾時度隔溪，鐘蔭蘿磻戶。  
蓬蒿送，每有羊求策短筇。

送姜真源之端州

內臺封事客爭傳，曾忤平津竟左遷。  
綉斧秋霜辭魏闕，錦江春雨下樓船。  
藩司峻地憐除印，戎馬危時耻息肩。  
退食自應頻作賦，東軒風雅薄前賢。

送陳康侯同章翊茲之饒州

薊北經春賦倦遊，征帆又逐九江秋。  
同教合鼓朱弦調，並載遙乘青翰舟。  
江左故人多吏隱，天涯兄弟總離憂。  
煩君更訪東山麓，綠督先生肯再遊。

送查王望赴司農

漢廷遷轉尚循良，墨綬新分畫省香。  
事急征輸尊計部，望高戡奏試臺郎。  
星垣北極應天象，柳柳東方憶故鄉。  
知爾清名滿南海，明珠不斛使君裝。

次日再次見贈原韻

愁鬢霜侵欲改玄，荷鋤真擬種山田。  
却論往事知吾拙，間有新詩畏客傳。  
千里壯心悲病馬，十年春色怨啼鶉。  
歲華直自蹉跎甚，羨爾摩娑舊簡編。



寄慶伯弟兄

江上行吟軫客情。西風鴻雁去江城。百年風雅存愚賤。衰世文章諱姓名。雨雪載途衣帶緩。烟波隨處釣船輕。吳山回首停雲處。羨爾墳麓有弟兄。

端陽前二日讌集 二首之一

晚風斜雨海門雲。尊酒當軒坐日曛。多病意輕秦博土。畏人才盡鮑參軍。縱橫作賦知誰健。忼慨論心自有羣。異日相逢京洛道。看余戴笠揖諸君。

同愚公彥遠性華迓牧齋先生於賽西湖王姬之室

空堂軒靜共追攀。荷氣蘭香永日閒。雅有菽華瞻北斗。至今談笑臥東山。文章得失貪酬獻。人世浮沉剩往還。却對楚妃悵悴盡。泪彈湘竹舊痕斑。

錢元佐在周丙山館

高齋携手謝離群。碧樹啣風對日曛。鄉國愁心幾回別。故人交態十年分。平臯晚過滄洲雨。候雁秋隨震澤雲。牢落相看還自喜。元長孝綽總能文。

秋感

往余與美含同賦秋感。美含意思繁會。文藻縱橫。余視之爽。

然今余稿不存已燬于乙未之火而鹵風落葉一詩獨見諸  
家選本辛丑之秋坐湖上偶有所觸復成八章然才益不如  
舊時真覺其淺率也

滄海揚塵極望哀年。風雨長蒿菜邊茹萬里閔河暗野戍三秋戰  
伐催是處衰楊迎露落誰家叢菊傍寒開登臨日暮虛吟眺愴慨頻  
思攬轡扣

香濤秋汎倚天高策杖平沙萬頃遙紫鳳赤蛟爭浩蕩丹山碧落迥  
蕭條輕鷗故逐漁舟出健鶻爭隨候騎驕桐嶺雲深釣臺遠越王城  
外雨蕭蕭

平臯風物晚蒼然東顧滄海有逝川薜荔青含三迳雨梧桐翠濕一  
溪烟臯橋舊里懷逋客梅市遺民憶漢年吾鄙至今搖落盡何人桂  
樹馬鳴紼

不雨驕陽歷夏秋中田禾稼不堪收征繇日甚年偏饑烽燧時清盜  
未休舊俗向來悲潁水依人何處是荊州錢塘歌舞仍如昨募州離  
宮滿地愁

太行東盡接桑乾野戍雲屯畫角殘宮闕雨收燕塞遠旌旗霜動薊  
門寒戈船下瀨師仍出駿馬登臺勢不難却卧滄江瞻北斗紫宸愁  
指舊長安

秦淮渡口放輕舟。曾記停橈處。遊舊苑酒旗春草徧上林齋殿夕陽收如雲賜第開新署初地精藍老故侯最是昔年金鼓罷石頭天塹水空流

黃河百折尚朝宗。不斷邊雲映遠峰。貢雉時聞又重譚。射蛟長自羨元封。通都冠蓋爭相向。天下英雄惜未逢。借問安危倚公等。如何潦倒任吳儂。

絲筆縱橫劇可憐。凌雲辭賦毅皇年。窮愁每換休文帶。貧賤休論七雅鞭。落葉夜深三迭草。浮雲不係五湖船。司空祠廟看樽俎。江表鼓名媿昔賢。

旦中用晦、木至齋中

四首

經年風雨約難忘。桂檝春遲渡女陽。詞客獻酬懷甫里。民居鞅掌笑庚桑。啼鶯語燕催楊柳。淺雨深陰護海棠。縱有煩愁須盡遣。日斜空館對啣觴。

陟折羊腸道路難。衡扉猶得共盤桓。姓名已賤何由諱。文字雖工莫浪看。異代鼓鞞歸党錕。一時師友托靈蘭。浮生我自無奢望。倘許烟波老釣竿。

越徼吳門行藥歸。何人攜手共依依。父兄報國家何在。子弟通門爾輩稀。江左人亦玉。謝舊義熙書卷時。豈非浦陽賓客應。如昨惆悵清

翁心事遠

柳外晴雲覆短篷。勞人何地不匆匆。西園支枕聽春雨。南浦飛帆怨曉風。老去豈堪悲聚散。愁來真不為窮通。詩新佳句吾能咏。回首烟霞起望中。

董縉風招飲寓中同長公志揚潘子百中

招提清夏偶相尋。上客開尊散遠襟。倚檻空明映江郭。卷簾晴翠落峰陰。漢庭司馬多才子。吳苑詞壇有會吟。醉罷何人歌白雪。如君兄弟并知音。

飲彥遠新居同旦中宇台

衡門晝啟絕風塵。野樹踈花照眼新。賣藥初來灞陵市。留賓仍似鹿門人。交遊海內論尊酒。詞賦天涯老角巾。莫向風前易分手。可能容易選良辰。

偶作呈旦中

江上春濤畏問津。道傍相向各沾巾。每經險浪悲時事。却數晨星似故人。碧水青山長對酒。黃金白髮總傷神。從君試問淮南藥。丹洞桃開好避秦。

同逸遠宿旦中寓

寒雨踈燈更漏清。一尊相對醉重傾。風塵總自悲行旅。月旦誰堪數

姓名王双白語旦中今江東元禮惟陸冰修耳余深愧之滄海論兵空結客  
雍門鼓瑟已沾纓  
夜深自有雲旗度江上雄濤起怒鯨

重貽彥遠

鄉國論文久益親旅堂携手動經旬  
關山舊事悲遊子風雨匡牀戀故人  
顧盼未消湖海氣幽居長惜歲華春  
孤城永夕旌旗繞歌枕愁聽畫角聲  
繡佛同恭有宿因經聲梵唱徹宵晨  
自酬松雪閨中句屢奪朝雲鏡裡人  
聖果遠分靈鷲樹寶花偏散愛河塵  
何時却踐山中約懶慢虛憐鬢似銀

湖上

十里芙蓉獨放舟風前倚櫂逐輕鷗  
百年存沒紫懷抱幾曲湖山好  
逗遛越絕才人霸朝遠玉津王氣  
故宫秋江濤猶自朝朝不改朝宗  
萬里流

循倩初歸過飲兼呈貞倩

水曲斜陽正拂樓清尊永日竟淹留  
八年旅食初還客萬斛征塵未浣裘  
馬首白雲閑塞路鶯啼青嶂故園愁  
種瓜五色仍堪採知是青門有故侯

董縉風招飲湖舫同林鐵崖吳庭發徐亮臣吳錫如

南屏山色尚蒼然。盡舫乘流並倚舷。落日大堤驕戰馬，斷雲高樹隱鳴蟬。傾尊自醉蘭陵酒，扶瑟仍搴桂樹篇。冠蓋如雲却惆悵，風流爭似定陵年。

時有騎突舟上諸公不敢問一語故結句云：

過慧幢驟雨作即止出戶明星皎然喜作

晚鐘初定度流螢，獨扣禪扉尚未扃。鹿苑坐來聽法雨，虎溪歸去見明星。紅樓應制人何似，白社開尊客許停。門迳蕭條君自遠，空山秋老夜冥冥。

與韜荒蕪呈逸遠

故國聞聲擬過從，秋來車騎阻從容。江關詞賦名長起，湖海英雄老未逢。楚嶺曉雲隨客棹，函天寒雨度歸筇。看君僦屋容圖史，大阮年來說任春。

是日飲愚菴方丈宿南屏

北山放艇過南山，石磴風溪夜共攀。小徑別通青嶂外，亂峰如隔畫圖間。浮生彈指驚無恙，近死禪心好自閒。如鹿京新出若方丈曉來呈偈罷，滿山清磬掩松關。盧自知說禪

同旦中晦木過廣化寺

寺有殉甲申難諸公木主

江左羈人淚未收，丹楓衰柳又禁秋。天荒地老春如夢，鬼嘯靈譚夜滿樓。遘馬嘶風堤路直，林鳩啼雨寺門幽。名山千載應無恙，芳草湖

濱處三愁

續宋人李元亮詩

高齋獨坐景澗。宿火頻銷篆縷殘。朝雨未收還暮雨。臘寒絲罷又春寒。雲中斷角迴龍塞。天外歸鴻渡馬韓。寂寂庭花閒自發。東風好為卷簾看。

五月晦日麗京以事雪得歸言懷

都市晴飛五月霜。累囚初放一沾裳。已憂湛族悲無策。偶遂生還意倍傷。家世百年存舊德。浮生十載誤名場。灞陵弟子應相慶。無恙青囊肘後方。

身危北郭埋親後

莖親未免而麗京見連

事定西河未痛脚

而長公辭世

三日印

髮幸無悲壯子。青衫猶得哭凶兒。流連存歿窺天意。感慨君親黯自知。聞擬拂衣從五嶽。尚平終不負心期。

繡壤平臯草色青。江南生齒漸飄零。三年赤地秋無雨。六月絃天晝有星。江外屋廬留舊隱。故人涕泪異新亭。北遊倘續南浮集。庶載園扉貫索銘。

銀鑄萬里出燕關。每憶西曹淚欲潸。便擬陳東從地下。豈知高允尚

人間

麗京如廁而卸連使至

夜闌秉燭真如夢。斗極收魂未易還。張望城西舊

松檟好携妻子傍。西山

與於御君

孤城携手更潜然。却教重遊十八年。往事蒼茫空撫髀。故人懷忤總  
華顛。風生疲馬芳江路。春老啼鶯柳絮天。欲賦相逢停攬筆。杜陵詩  
句畏人傳。

疊呈中韻

故人東郭卧柴扃。作賦戔紅手不停。却許扁舟來冒雨。滂勞太史更  
占星。江城六月鶯猶滿。水國千家柳自青。風起濤聲時拂座。人間何  
處見寧馨。

白燕分韻

縞羽差池何處歸。主人不識舊烏衣。疑從銀海晴雲渡。猶帶瓊林琪  
樹輝。絲勝春苗霜影薄。玉釵宵並月華飛。漢庭公子長相見。只是人  
間素負稀。

疊子蔡原韻

繡陌籠鞭馬欲痛。章臺楊柳正藏烏。已知夫子長貧賤。試問王孫定  
有無。妾自傾城偏換馬。婢應論價倍酬奴。銀河夜、看牛如已見。秋  
風到井梧。

西湖過王消來寓

平卷疎簾映薄紗。幽人喬寓傍晴沙。十年簪筆官仍貴。兩疏陳情鬢



未華石甌雲霞疑海市玉津松檜落宮鴉吳歌楚舞歡無限一望青  
山繡嶺斜

偶作

孤城飲馬競鳴鞭落日空湖蕩晚烟千嶂旌旗聞四角一堤歌吹泊  
樓船雲銷獨鷓盤空下月起疎燈對塔圓別有城南愁思婦玉簫吹  
徹未成眠

九日集貽善堂分韻得黃字

城上征雲接大荒登臨九月故難忘且教吾輩頻年在莫負清秋此  
夜長朔氣一更催縱酒浮生隻鬢怯微霜尊前未減相逢樂紫蠅流  
膏橘柚黃

遇姜越夫子佛日即之燕中

空山邂逅相思折柳關河又遠辭未老此生還作客已窮吾輩尚  
論詩故園荒廢啼鶯早絕塞春寒去雁遲直北燕雲愁極望因君更  
憶舊遊時

和慶伯野廟或作天妃廟

神絃幽咽賽靈妃柏殿松廊滿翠旗無跡去未應獨見有情淪謫許  
遲歸雲生半滅蓮花鞦風定常飄薤帶衣未黍蒼涼阡陌斷一天涼  
雨晚微

是否江妃是水妃。馮夷捧馭若寒旂。路逢蕭史行應却。學取姮娥竟不歸。六火巧工彫彩佩。五銖針絕繡天衣。斜陽竚立人過少。芳草王孫野迳微。

洞口雲長過玉妃。柔風獵獵捲輕旂。天孫待曉辭郎却。河伯當宵娶婦歸。隔座蟪蛄垂露網。穿簾蛺蝶落風衣。飛瓊姓字看傳遍。贏得天曹譴謫微。

繽紛儀仗比宮妃。豹尾勾陳簇繡旗。電母暇催雷部發。風姨怒撥雨師歸。蟾蜍吐燄紫香篆。蜥蜴啣烟護薜衣。直是幽靈君未任。寒陰猶螫歲陽微。

慶伯遇里有詩依韵酌之

經年無客到柴門。桑陌漁灣農父村。秋草叢生三迳沒。江湖怒決一溪渾。松陵好句懷人遠。甫里田疇苦稅存。珍重西陵舊時意。重來秉燭夜深論。

中秋王望招飲湖舫不往戲東

小雨輕盈晚更幽。山川何處不清秋。寂寥易失尚書約。老大偏增節。愁翠榜珠簾。催進酒。踈燈短鬢。獨登樓。空山老鶴高崗鳳。鳴和誰堪憶舊遊。

望遠曲 五首

閒隨伴侶踏春回。草色花枝，淚併催。貴客明珠空有價。小家碧玉，本無娉。盤中回曲，應難續。錦裏璇璣，洵有加。吹徹洞簫，人不語。月明銀漢影徘徊。

浪傳消息儘無端。漫擣征衣，自捲看。媚耀光中憐短夜。鷓鴣啼處，是長安。音塵彷彿驚心易。魂夢銷沉，著意難。縱使雁山能入望。雁山西去，更滂。

風動輕簾，花信疎。几條垂柳拂金渠。畫樓當面無層級。翠袖招人，隔綺疏。月影團團停彩扇。雷鼓歷錄，走香車。將疑倘是何人問。更把三年尺素書。

芳草年々，被水滷。乳鶯啼處畫陰。幃中覓响，知何在。風裡掃。極恐不禁，無數碑辭，啣半口，難平。碁局落中心。轆轤綆斷，何時續。莫放銀瓶，竟夜沉。

烟鎖房櫳，白日寒。捲簾時節杏花殘。巫山驟雨，峰何處。湘浦微風，水印瀾。長對鏡臺，思往昔。每拋骰子卜未安。霜華早是欺雙鬢。金骨頻銷，淚欲乾。

壽張元岵先生八十和高鼓峯韻

筮賁何妨竟舍車。行吟寧用學三閭。浮沉世外無長策。偃息山中有舊廬。千里輪轅勤好客。百年心跡托箋書。江南十月催霜雪。屋外寒

梅堯已舒

手疏周易頻年改。卷裏將成稿。又芟憂患危辭識。周孔艱難哀世惜。  
京闕也知杜氏窮。經傳曾哭稽生好。道慙千載知音猶。旦暮自應白  
髮老青山。

持杖搥車每得隨。橫塘風雨遇從時。徘徊共斂飛鴻翼。偃蹇同吟桂  
樹枝。頭髮蒼茫猶似昨。烟霞疾瘼不須醫。商山柱下誰堪羨。藏密于  
今有易叢。

五十初度漫為十詩。頽然自放不足為人傳也。今存五。

馳駒激電攄茫然。浮回首浮生五十年。時命豈應論蹇蹇。支源離那  
得笑夔蚺。文章不就拋書卷。生計全荒買釣船。尚有海鷗猜未押。元  
龍無懶是高眠。

卜築橫塘數十年。青箱七葉撫遺編。爭傳曷倩公車牘。長諷昌黎進  
學篇。舊業只看餘。送草衡皋長自上。虛烟遶門流水仍如昨。好為淵  
明種秫田。

鏡中衰鬢漸成絲。剪白何堪更勿嗤。花底玉缸沉醉。印馬頭金勒射。  
生時舊遊追。逝如論夢。往事重尋似覆棋。歲月長馳且無恨。尊空客  
散又吟詩。

蔓草侵階竹四敲。禽聲花影自參差。老貪人事經年少。病覺閑眠晝

日宜客過烏程分舊液僧來虎阜試新旗勞往轍何由諫未覺餘年學易遲

偏海烟嵐護短扉西風病客倦遊歸剪裁尾鬣還栖櫪抑盡種牙已息加燕市酒人今昔異胥城門卒姓名非不知管樂誰應似慎悴南陽有布衣

用晦以詩寄余燕中已為浮沉矣歸始見之用韻為答落句即相語也

異鄉音信總滂○經歲燕山客夢○每向東風懷舊隱○空依北斗話長安○故人羈旅○由元直遠道○關山去伯鸞○珍重君家遥寄語○青燈白髮暮春寒

和仲謀潞河見懷先歸時余尚在淮曲

馬啼車轍自班○夕鳥歸雲倦撻還○衡水自通揚子渡○楚峰遥隔荆門山路○經行潦時○改身到江湖處○閒待爾秦溪共携手○千峯落木翠孱顏

和仲謀田鼠化為鴛 八月廿九作

毳羽參差罷食苗高飛長得向人驕○綏狐舊侶應全散○彊鵲新巢尚共招○虛記星纏分宿次○得須章服艷官寮○竊脂啄粟無相傍○郊國愁聽去女謠

鷹化為鳩

摩空搏擊復何求。不意新銜列五鳩。勿使食糗音易變。尚能攻鵲拙何愁。浮霜猶望禽相避。欲雨空呼婦且留。為語在桑深自隱。應知羽族有前儔。

雀入大水為蛤

枋榆決起忽沉川。風伯波臣相後先。直使紫蜃能製錦。不須黃羽更披綿。書齋應惜嘉賓燕。食譜偏聞混沌饅。濮上鼓詩千載在。空愁短尾不深淵。

中秋遇徐昭法同高旦中

短棹參差出上沙。溪流一曲碧山斜。依然雞犬桃源路。恰住柴桑處士家。濁浪茫茫驚砥柱。晨星落落漲天涯。清秋車馬吳城近。黯淡山中挂樹花。

遇周子佩子潔

蒼蒼喬木俯衡茆。不改當時舊覆巢。兵革共驚完琬琰。堦除不碍網蟪蛄。莫教樂府翻新曲。仍有遺民論舊交。日暮山塘歸棹急。淡烟斜月隱西郊。

淮陽遇程婁東不相見近二十年矣

臨平山側隱侯居。共爾臨風駐客車。隔別動愁千里外。相逢追憶十

年餘倦歸司馬遊難問老去元龍氣不除江左舊遊應共憶新詩好  
與寄雙魚

又呈曹秋岳

漢庭副相出中臺分岳提兵去復回停轂春吟平圃驛垂鞭秋獵拂  
雲堦蒐羅金石藏書庫潦倒賓朋濁酒杯却記西湖送征梯幾年相  
望獨徘徊

同虞山射陵鐵崖大宗伊璜仲方駿男祖望虎南九日登靈鷲

山

舟易輕航渡野橋石梯西上俯岩峽由來楚客多騷辨其奈吳都舊  
寂寥極浦晴霞迴北雁斷碑山寺紀南朝年九日登臨處却教勞  
生萬里遙

題黃大宗小影

遊鞭到處每探奇獨立蒼茫有所思十載舊高才子譽千秋真與古  
人期川雲嶺月文章態白鶴朱霞晉魏姿為語長康能位置廟廊丘  
壑摠相宜

與宗射陵

碧湖縹緲駐征輪樸被過從便幾卽千里萍蹤塵外侶十年雲樹意  
中人尊前歌起憐同調坐裡詩成訝絕倫却聽酒壚吹短笛與君相

向又沾巾

同家鶴田升初招宗射陵龔伯通小飲湖舫即席

紅徧楓林翠嶂重小停蘭舫畫橋東笙歌宛轉田斜日榜檝參差信  
晚風拚醉莫教愁禁鑰將歸不厭聽山鐘淮南才子多情思江左何  
人賦最工

趙子山過晤兼寄茂倫

惜別懷人不自持偶逢佳客喜啣卮賦家舊識參軍句詩品爭傳記  
空詞燭盡西欄人坐久霜凋青嶂雁過遲逋翁老去才偏健每憶垂  
虹艤棹時

同余澹心夜飲鐵嶺寓齋

斜疊銀屏掩畫欄夜來微雪點晴瀾行厨索酒催春釀別館邀人坐  
晚寒海江百年銷戰伐湖山永日借盤桓沈吟莫誦登樓賦惆悵參  
軍彩筆殘

過嵇師巢

蒼々城靄落疎林城外幽人晚共尋殘雨過池三迳沒斷煙籠樹一  
庭深艱難旅食還吳地伯仲才名又季心愛爾南行詩句好可令游  
子發長吟

兩月湖頭將歸別虞山白樵大宗諸公



西風蕭瑟久。栖遲。又是閩河凍。合時月魄。兩看弦望。改星河。頻見斗牛移。交游更閱。憐同調。詞賦無成。愧舊知。復嶺長堤。徧徵逐。不知筋力久衰疲。

丹楓搖落萬山昏。携手錢塘莽斷魂。雁影夕低尊勝塔。馬蹄秋散玉津園。霜沉戍鼓流千嶂。風挾江湖上小壘。慷慨淮南辭賦客。千秋俯仰。豈勝論。

客棧燕笑共尋歡。染翰題詩幾夜闌。画燭坐催仙漏緩。青樽長怯客衣單。風前遺笛頻迴首。江上浮雲罷倚欄。寂寞孤山更何有。空林唳鶴一亭寒。

硤山遇吳慶伯

曉山寒色上征裘。繫纜真成訪戴舟。殘雪嶺雲晴合凍。落煙溪水晚爭流。幽人索句尋潘岳。禪客評詩過惠休。况復山清真我輩。遲君歸棹共憑樓。

山埭鷄鳴仙署開。從容禮樂異時才。六朝舊事含毫賦。四姓通侯載贄耒。地勢尚傳朱雀嶺。山形空紀鳳凰臺。把君詩句沉吟久。却記遊踪莽自衰。

和荅黃晦木

江南江北隔天涯。幾見春風揚柳花。邸舍乍逢真足喜。筋骸猶健儘

堪誇偶同去雁還依渚輸與輕鷗各占沙却對明湖坐愁絕芙蓉還發舊時花

萬頃平湖萬疊山小樓何礙雜塵寰漸過三伏秋應好終近孤山意已閒永日烟波漁艇去夕陽山磬鳥聲闌年來自愛新詩句客自嘲訊捻未刪

胡聲和送菊花佛手柑兼索余詩率爾志謝

九月江南已薄霜芳華珍重各貽將兜羅綿記靈山和女節花分別圃香齋閣晚寒面佛供騷人秋老紉仙裳年來踈慢吾尤甚相望何曾有報章

和星叟

瀾漫湖水好投竿畧舍相違強自寬江海至今悲浪跡琴書猶幸報平安征雲駿躡迷朝霽涼雨蕭疎逼小寒廡下何人長寄住高吟無恙勸加餐

江東安石尚林丘拂袖差寬世路憂七略圖書搜廢逸千秋金石貴徵求通門投謁容文舉藝苑論詩辨隱侯故國風流真未墜浙西都會古揚州

山齋虛敞曙光微曳履褰裳客競歸四座雄談移午景十年雅好托緇衣荒臺雲暗飢鷹去野戍霜高塞馬肥祇是征輸困金粟冬蠟秋

澇麥苗稀

頻年憔悴賦幽居。何處風塵駕犢車。興味盡衰稀辨論。筋骸垂老怯  
耒鋤。湖山莫厭登臨數。鄉國頻驚候問疎。擬向河汾續經史。却憐遲  
暮病愁餘。

會稽有女子為黑風吹墮惡業海中作六如頌姚江播余老人

覺其原韵見示因為繼作六章僕乃更以寔義詮之。鏤冰畫  
空不足當老人一笑也。

露零葭莢晚蒼。五夜將晞藹曙光。種種九秋開白藏。蘼蕪千里淡  
青陽。蓬山曉散丹壺液。華岳晴分玉女漿。厭浥高梧頻滴硯。研朱好  
與註歸藏。

電閃虛簷晚更開。花前遲促暝陰來。溪光過隙偏容照。燄火傳薪本  
不灰。晴落層雲還繞月。雨分輕藹共驚雷。斜收一綫垂千尺。知是靈  
妃倚笑回。

夢魂縹緲思悠悠。底事明頭與暗頭。花漏沉香朱館夕。蕉陰欹枕石  
牀秋。乘車鼠穴知無想。飲酒釣天勿更愁。一覺揚州十年夢。也應回  
首再凝眸。

幻跡懸知逐幻生。澇勞義畫盡縱橫。剎那塵劫紛々任。大地虛空細  
細傾。欄楯化成看湧現。樓臺蜃市儼裝成。吞刀吐火尋常事。莫向狂

華繞處行

泡水分明即逝川。偶然波散萬漚圓。欲尋起滅真無跡。自信長流竟不還。乍動星文難定點。驚疑河洛更浮圖。明珠欲採翻惆悵。試與凌波更惘然。

影綠光景亦緣身。空假中觀總未真。蕪菴不知明月近。漏深長向一燈親。璇霄倒影空潭淨。玉面斜迴寶鏡新。總是妄緣原不妄。暗塵銷盡竟何人。

與呂東莊

時東莊自秣陵歸

素泊檀橋跡僅留。凡人攜手賦同遊。銅螭鏤繒鴉啼曙。粉麝香銷雁語秋。一統白碑思幕府。千年烏榜記西州。大功坊外秦淮水。可似當時浩蕩流。

壽高虞樽

索句懷人好自寬。葛巾芒屨且盤桓。閒尋鷗鷺寒裳出。自牧鴉豚倚杖看。碧波瀾縈枕簟。紫芝倩侶識衣冠。憑君手護中丞栢。猶有栖烏起夜鬪。

寄魏叔子

抗手亭皋送短蓬。三年矯首湯臨風。一家經術相師友。百氏文章辨異同。舊日詩篇拜東野。新來香瓣為南豐。翠微峰側章江水。赤鯉乘

流好向東

董蘭宮將之廣陵索許力臣師六復書乃其寄札未至也口占送之  
曲檻雕簾小閣虛尊前賓客竟何如  
幾年花影苑亭暮依舊鶯聲弄  
柳初別夢江湖驚落雁故人冷飯欲烹魚  
憐余更廢南陔咏豈獨離情賦索居

與王元碩

枌榆烟火望遲留曳履尋君話舊遊  
牛渚晚回孤枕夢燕臺春送遠  
人船落梅時候初黃鳥垂柳汀洲共白鷗  
纖棹不妨仍信宿烏衣子弟本風流

與丁約園

積雨空城春色遲  
乍逢車騎懶相思  
才人失職名猶起  
遷客初歸鬢欲絲  
踪跡獨憐窮海夢  
騷愁空托異鄉詩  
江山搖落人誰在  
潦倒臨風醉莫辭

同松民寅工登審山訪薛天全歸途遇令文再入山中至暮歸  
罷雨相携訪客還  
丹梯蘿磴再躋攀  
十年朋舊班荆話  
百里風烟倚樹看  
路轉薇宮連北野  
歌殘石爛對南山  
興亡寂寞烏啼散  
荒壘蕭蕭野艸斑

晚自審山歸率爾成句

素畦麥隴逕微分。策杖徐看落日曛。鴉啼空杳鶻過吏人歸野渡。詔從軍林烟競起將生暝。海氣初昏易上雲。計畫未成空悵望。扁舟何日釣江濱。

書亡友錄後

暗風吹雨焰幽燐。殘帙塗雅涕泪新。放佚姓名留野史。艱難踪跡諱勞人。楚詞舊已傷棲鵬。越絕誰堪繼獲麟。後死白頭應料理。千秋陵谷易沉淪。

詩成而康侯適至握手便別對章賦別情見乎辭

鶴鶴原上草荒。涕泪才收又短絳。客路年小踰上黨。鄉心夜小夢。夢江南。試論掛劍知誰屬。一詔上琴。轉不堪此去晉祠秋水漲。烟波長記別春潭。

秋夕

高梧過雨早凉生。落葉驚風小閣清。流火拂簷驚七月。荒雞侵枕入三更。風傳戍柝淒時却。秋壯昏濤怒有聲。獨起攬衣頻倚徙。十年衰病恹論兵。

與徐對三 是日長至

落木蕭疎話伯勞。徵君亭館傍江皋。紅鱸欲上霜初重。紫蟹爭肥渚正濤。學易十年慙介石。稱詩終古愧伊蒿。側身南望愁何限。戍角吹

殘太白高

泚侯子璧武子招飲四疊前韵志謝且以留別

輕舟泛々息塵勞野宿誰令和九臯偶有詩篇投沈約絕無名字到  
山濤河橋遲折風前柳荒迳頻刪雨後蒿百里片帆歸去近碧天回  
睇九峯高

除夕還里和姜西溟原韵寄陳簡齋震孫子榮子文

搖落年華百感生可因消息渴憶金莖新詠變格吟難就舊事驚心  
夢不成已厭積陰沉霧氣忽聽窮臆迸雷聲杞人曾咲憂無謂負未  
偏深望歲情

筮易如占羸角羊浮杯何策汎坳堂摩挲卷帙丹鉛亂顛倒衣裳薜

荔香無用人間羞斷尾妄希天上畏拖腸那堪便作經年別海國江

村兩地望宿孟適郊見雄鷄自斷其尾曰鷄其悍為人用予唐公望舉宅登仙惟鼠  
不淨不將去羸自三吐易其腸

元旦疊前韵

帳外晨曦透薄繡雨聲風色料新年庭梅妬雪旋爭放池柳和烟似  
欲眠謝客板扉經剝啄懷人蓬艇獨延緣家々画燕迎春色衰暮羞  
隨少壯節

送查齠荒同盛南樵入大梁

羸糧躍馬去何之滿眼関河帶甲時結伴有人誇並載治裝無策笑

更期燕南地勢連秦險。江外春風隔隴遲。何以送君徒抗手。樽前意滿拙言辭。

梁園蕭瑟待君過。誰着先鞭早渡河。舊事追尋如昨日。勞人相傍易悲歌。山川儘足供吟眺。歲月差令老薜蘿。我亦欲從還自笑。風塵丘壑兩蹉跎。

春草和邑中諸公

淺啣嵐霧弱沾風。几度新芽舊叢山。豁忽連天外。碧雨殘。幾到日邊紅。征輪曉濕青皋冷。閨夢宵飛紫塞空。腸斷江南千萬里。漫隨花信染菁蔥。

節序頻催綠未齊。隴頭河畔搃萋萋。空阡雲暗埋麟塚。野牧烟濃沒馬蹄。送遠關河增怨別。寒芳儔侶惜招携。騷人莫賦玉孫恨。水遠山長戰壘低。霜推雪壓入春遲。望裡綿綿亦漸滋。蘭芷不堪貽遠道。蘼蕪只是管相思。露瀉原野逢人處。候變池塘滌句時。若為猗那羨。萋萋春來春去總無知。

和黃黎洲韵與吳孟舉

越陌踰阡接遠坡。何人携酒數相遇。一川鰕菜真堪老。滿院鶯花不厭多。夢斷鷄聲推枕舞。扣殘牛角短衣歌。自憐衰暮飛書嬾。九墨誰



當眉鼻磨

武原燕集

昔年此地共論文。被禊臨流又遠郊。風雅一軍新壁壘。乾坤雙鬢舊蓬筵。到門雨漲菀花水。融棟泥香燕子巢。永日沉吟敢迺。鄂漫携箋素作推敲。

道遊堂分韻得青字

花底朱門盡日扃。闕殘佳句倒銀笏。風塵江左人無恙。艸木兵前春又青。綉帟雕龍爭跋扈。儂牛屠狗笑沉冥。也知才力輸公郭。走覓南隣醉不醒。

海昌諸子賦未字韻詩送黎州南還用韻呈黎州晦木無咎主一  
躑躅支離諱往來。故人相對且銜盃。酒傭市卒論塵劫。野老遺民笑死灰。節序暗催啼鳥換。風光驚見棟花開。江疊長夏多奇事。童叟爭看蜃影回。  
白華朱萼傍南陔。千里風濤倚楫回。極望鼓鼙愁未息。艱難書劄肯重來。赤城拄頰看潮氣。滄海褰裳聽鼓雷。唱徹驢歌留不浣。一尊醴酒共徘徊。

和黎州出郭看菊韻

輕陰十里曉霜融。一艇乘流東郭東。白首易增遲暮恨。黃花偏發嫩

寒中沙汀衰州秋仍綠夕照江峰晚更紅但使年年花事好不須郊野問凶豐

與孔鍊師

無定萍踪偶值君城南握手話斜曛靈函自註忝同契真誥初頒十  
賚文滄海客曾同夜雨鹿門人已隔秋雲懸知大藥今年就身是劉  
安陸鶴群

青牛去後獲麟聞儒墨分釐各有群試問二篇傳尹喜何如十翼係  
周文泣塗甲子驚衰老鼎食丁壬笑倦勤倘許短錦同採葉此生原  
已逐浮雲

與秦壽臣子格

大嬾雲林小嬾禪當年遺事儘茫然三吳蹤跡猶無定兩鬢風霜又  
盛年屠狗客多稱父友活人書不藉師傳勝衣時節君應記白蕩秋  
高共倚舷  
行藥歸來獨掩門韭溪橋外暮雲昏肘衣盜粟羞看黜匣劍囊書點  
斷魂無奈姓名傳女子且應弓冶待兒孫頭顱莫怪仍如詬三十年  
來事勿論

和姜西溟原韻

侵凌雪色冷重糴故國無端又一年憔悴畏逢人換歲蕭條翻愛尔

高眠燈搖客思渾無定。酒約愁城未易緣。我試歲闌還共。可應春後和春前。

落魄人間任是非。浮生長是與天違。耕鋤已負長鑿柄。射獵空裁短後衣。夢裡天台萬年藥。望中河鼓七襄机。齊諧志怪君無笑。也詭青藜太乙輝。

姓字誰傳魯國生。何妨衰髯雪千莖。孤檠吐綫鐘初斷。短褐增寒雪又成。哀雁嘯群迷塞影。飢蛟螫海咽潮聲。不須更作天涯恨。垂老能無感物情。

學道無由便叱羊。人天何處去堂堂。江城夜笛隨風遠。驛館寒梅併雪香。都有客論書工蠶尾。與誰看劍試魚腸。萍踪要自無根蒂。春色蒼茫萬里望。

疊黎州韵與晦木

慮耗精銷久廢勤。強憐吾亦欲云云。鶻啼夜月低江壘。鬼語秋燐散野墳。江左山河猶自昔。門東蒸縞為誰員。白頭那復論疇昔。霆震山崩也不聞。

君能日下飲。何不尔何妨一局過。碧樹青山綠亦淺。白衣蒼狗變彌多。經年兀坐頤。坐半夜蕭蕭。扣角歌長是心中不平甚。吳鉤黯淡莫教磨。

送嚴示公

雨後秦溪綠似醅。片帆愁背夕陽開。每因文舉思前事，轉覺安豐有異才。筆墨風流真樂事，山川歲月惜離盃。過庭倘問衰遲狀，只有秋霜兩鬢催。

再賦水仙

曲几踈簾小閣香。一枝端合壓群芳。亭、弱影臨遙浦，脈、春寒共夕陽。楚館玉肌欺粉白，漢宮嬌額暈檀黃。梅花標格山礬韻，縹渺難訝帝衣裳。

欲之吳門不果歸舟寄非指

搖曳征颿去復回。西風斜日故鄉愁。笛殘芳艸萋，碧雨漲清溪。浩浩流楊柳，帶齊頻繫艇。鷓鴣聲斷獨登樓，遙看匹練吳江路，興盡真成訪戴逵。

偶成

春溪如染綠微。廢圃猶存舊釣磯。花發聞庭鶯自語，蘚殘荒迳客未稀。紅鱗試子衝波上，紫燕尋巢冒雨歸。書卷盡拋丹灶冷，勞生空悔昔年非。

過用晦東莊

沙汀烟墅迥無鄰。不許漁舟獨問津。扣角羞歌飯牛曲，談經時過賣

漿人十年辨苦心猶棟一字吟安髻欲鈿栢藥放花梅著子浮生聊  
共息風塵

飲沈孟澤

虛左爭看遣騎迎。一尊偏擬故人傾。筍魚綠酒無論價。艾席朱符好  
避兵。燕笑劇喧燈易炮。薄雲蒸暑雨難成。十年朋舊君應記。愁聽風  
前短笛橫。

與顧又蘓

吳江楓落偶停車。邂逅逢君攬客裾。舊德百年存國史。名家萬軸問  
遺書。杭禾香接城隅路。梧竹應連處士廬。雀髮恰驚携杖過。典型猶  
是正元餘。

遇馮研祥兼憶晦木

重逢何意五湖東。白髮蕭々老敬通。研匣尚留孤石在。書牀長對一  
尊空。身經開寶氣猶健。句學風騷拙更工。屈指舊遊誰憶在。暮雲江  
樹隔冥鴻。

登縹緲峯

樹杪輕舉去復回。百盤初盡午烟收。岡巒委地依全見。墟市浮空翠  
欲流。輕浪受風搖別島。斷雲兼雨失遙洲。山前處々堪漁釣。何日滄  
浪買一舟。

包山寺 山燒曾屬于。邀麗京住此山。

複嶺回岡翠幾重。長林周匝簇芙蓉。石廊薜積時眠廡。銅鉢泉清欲  
貯龍。仙藉千年留姓氏。山厨三宿憶齊鐘。閒尋墮語真成恨。劍外難  
招旅客蹤。

過小龍渚

倚棹龍岩渡遠坡。玲瓏空穴啞寒波。峰腰收雨推蓬看。山脚回風側  
棹過。村隴歲登紫橘柚。渚田秋老熟秔禾。垂楊是處禁搖落。倚杖攀  
條柰尔何。

舟里山

枉渚斜通別港分。一川溪路漲梨雲。經過小陌喧晨市。指點前山話  
舊聞。羽翼誰教鵲舉行。踪久已。亂鷗群。懸知更謝商山路。聽說人  
間定策勦。

毛公壇

松檜淒清亂石躑。古壇誰與問劉根。危崗迤斷秋生艸。野寺雲深畫  
掩門。靈轂羽嬰仙仗遠。碧黏黃露石泉溫。蓊床冒雨披蓑莽。倘遇韓  
終好細論。

東湖

枯藤冒路艸芊眠。精舍葱蘢罩晚烟。碑字勒殘猶陷錦。松鱗初坼已

參天塵心漸隔濤聲外  
兵氣應消祀佛年底事  
昔賢虛載牒百年興  
廢竟茫然

西湖寺

方池長擬應風颭一曲晴瀾曉自濤  
蘚合劇愁涯迳滯烟平真見寺  
門高逢人嬾慢容僧病竟日登臨  
笑客嘉却憶帟林城外路蕭蕭牧  
馬蹴空壕

明月灣

歷歷垂楊覆水堦滿岩晴色和初絃  
一溪烟樹晨炊飯數里魚曾晚  
泊舸含魄雲霞規斲鐫則輪星斗  
掛平川遊人自愛吳宮月爭似當  
時夜倚舸

銷夏灣

一灣蒼翠抱平疇原隰橫開山四周  
此地直宜高士隱昔年空記錦  
帆遊晴雲片影盤歸宿空水微茫  
沒遠鷗我亦欲攜蘆笛到蕪葭深  
處卧清秋

尋右吉舟里東塔

野屋低連竹樹清重來猶記路斜橫  
溪山何處容長卧鄉國無端閱  
此生老友自看初服好鄰翁應見鬢  
毛驚千秋舟里名猶在漁笛滄  
浪斷浦弔

姑蘓和荅徐崧之原韵

松陵風調許誰攀。大雅於今未易還。縫掖幸教苗教子。編摩猶許托名山。射臺烟冷哀楊落。胥浦霜遲野草斑。此地與君偏邂逅。好携詩卷歷潺湲。

和吳孟舉西園雜詩

淡雲輕靄護香寮。遠笛吟風散野樵。棋壘好奇翻舊勢。酒兵無力罷繁條。早梅孰與塗宮額。衰柳猶堪闔楚腰。閉戶詩成忘歲月。不須比擬到風騷。

峯巒堆就即山家。更鑿清香漱齒牙。遠砌碧陰團老樹。殘闌芳草襯濃花。麝煤兔褐晨臨帖。蟹眼蝦鬚午試茶。却恐漁舟尋易到。綠溪處處短牆遮。

登彌羅閣

中天高閣與雲齊。曲折斜通百尺梯。艸色直侵吳苑路。棹歌時斷越來溪。青搖震澤果。蔥暗翠巖陽。山睥睨低。鄂國旌旗竟何處。山塘衰柳夜烏啼。

重晤毛大可於吳門

惜別爭禁二十年。白頭相見不勝憐。風濤回首猶餘怖。詞賦驚心莫浪傳。鈞黨幸無張儉藉。依人還載賀循舡。金閨門外如絲柳。那得攀



條不泫然

與倪閣公無寄王元倬

屈指東南者舊稀。每論往事到斜暉。六朝王氣鷄鳴埭。千尺江聲燕子磯。晏歲冰霜禁作客。江城風景對沾衣。湯、淮水猶如昨。莫信瑯琊讖已非。

翠雲草和韻

染碧接藍襯落霞。一庭勻剪覆晴沙。可疑翡翠鑄為葉。好種珊瑚放作花。眉黛淺深隨意滿。鬢雲零亂几行斜。窓前雨後看猶好。作態含姿映薄紗。

荅夏重婚送別原韻

秋山處、好躋攀。何意臨風恹別顏。今昔摠非長自悔。去而空計復誰關。故園豈竟無三徑。大藥何由問九還。預約歸期應共記。故人先為買青山。

荒池野岫隱漁矶。叢桂蕭條傍紫薇。五畝未成他日計。扁舟空惜寸心違。哀蟬怯暑秋犹啞。病葉驚風曉自飛。正是鱸魚好時節。季鷹未却已思歸。

落木無邊雁始征。銷魂人去闔城秋。高赤地猶愁暑路滿。黃埃不計程。幾度浪遊今倍恹。百年身計老無成。數間茆屋花千樹。為我先

應次第營

再疊夏重韵寄別百勛美含松民寅工子幹

南陽栗里未容攀。却阻征驂已汗顏。真愧百年無善狀。敢言千載乃  
相聞。片雲舒卷慚何托。短翮摧頽好倦還。昨夜與君仍握手。夢中同  
上食其山。

傷春傷別惜差池。刻意誰傳杜紫薇。芳艸獨隨江路遠。征帆便與夕  
陽遙。經年音信憑人問。九月鄉心逐雁飛。衰病只今須買藥。早煩君  
輩贈當歸。

風物蕭條竟北征。旅人無計破愁城。蛟龍蟄候連遊候。鴻雁來程是  
却程。極望天涯空有恨。畏人詩句每難成。鵲湖釣艇如堪稅。此外浮  
生更孰營。

和黃二晦再寄原韵

傷春未幾復悲秋。知爾懷人獨倚樓。八月程途違去雁。百年踪跡憶  
浮鷗。支離何處論尊足。憔悴無緣怨宿瘤。夜々待軒同笑語。祇應歸  
夢不知愁。

悲風日落咽淒笳。回首鄉山不勝嗟。哀齒豈堪重失路。斷蓬久已嘆  
無家。萋々芳草聽啼鴉。蕩々墟烟數亂鴉。絲渡大河塵撲面。賈生何  
事怨長沙。

荷鍾何妨死便埋尚營衣食顏猶和誇君詩好徒工瑟謂我書成祇  
折鈿舊事暗尋真失策孤舟慮汎欲誰儕唯應負耒歸河渚燒就丹  
砂事倘諧

荅施愚山

五嶽滄洲興亦闌真乘款段北風寒六經陳語原難信四海狂瀾未  
易安詩律漢唐煥墨守初心屈宋已衙官何時更咏澄江句小謝樓  
頭對倚欄

七夕飲石閭齋頭和錢鶴菴韻

靈匹相從未阻修星前高晏候初秋漸催宮漏輕陰如乍散晴烟片  
月淨燕市博徒憑縱酒故鄉詞客帳登樓河波五色吾何顧一綫偏  
縈萬里愁

送勝力之泚上

經理征鞍賦遠行霜銷春草馬蹄輕殘花細柳遲官路森木荒蒲到  
任城終語好龍偏自喜曾憐画帟咲無成舊遊和爾頻回首有客高  
吟右北平

常州道中

北盡吳山天四垂斜陽去棹共逶迤瘞羊崇音味祭風禱雨也歲妖巫社駟雉  
鑄勳墨吏礪農事共貪收穫早客程偏愛泊舟遲飢烏接翼投寒堡

又是清霜滿戍旗

瓊花觀感舊

斬新樓閣俯晴霞。曲檻危欄幾疊斜。后土碑殘祠斗姥。山砦樹老補瓊花。西陵烽火還千里。南郭笙歌自萬家。却教舊遊零落盡。復隨萍梗泛天涯。

燕城懷古

暗雨流雲濕歲華。燕城曾是帝王家。碧楊自覆邗溝水。丹桂猶開隨苑花。董相宅荒屯野霧。蕭郎樓迥捲寒沙。浪遊那得揚州夢。三十年來只暮笳。

青駝寺

莫辨泥行與水行。終完水宿即山程。月昏重暈愁催雨。風定濃陰喜放晴。新漲瀰塗老馬畏。故鄉回首片鴻征。停鞭試覓青駝石。牧笛斜陽滿廢城。

泰山

萬嶺參差護岱宗。白雲想像起東封。鐫碑自解苗孤石。錫爵何緣污五松。無復帝王存遠略。可能靈寶躡遺踪。遙知日觀蓬萊近。定有人鞭五色龍。

送客還閩

匹馬駢驛渡遠津。閩河南指故園春。虛從辭賦論知己。剩有才名慰故人。三載音書勞客夢。十年資格儘閒身。王師聞道如衽席。爾去何愁戰後塵。

送邵子湘之山左

又攀衰柳送行幘。應笑歸程我尚淹。雞肋豈容遊子戀。猪肝空挫昔人廉。公絃絕響悲同調。殘局推枰好覆奩。努力馳驅君自愛。看予霜雪滿枯髯。

零文秃筆一丘埋。早悔雕虫意漸乖。苑屋天寒羞翠袖。漢宮人老怯瑤鈿。悲君壯盛長為客。似我飄零孰與儕。此去倘應尋海市。魚龍鞭螫可能諧。

吳苑霜酣萬樹枯。五湖秋盡水猶藍。故鄉佳處原江外。詩集何勞號劍韜。節序明朝正重九。客程遙數更三千。也應自為神芝去。毋訣携來好共參。

山川十二阻齊郊。東盡蓬萊地勢微。舊蹟時遊憑吊古。詞人吏隱好論文。田橫島沒無龍戰。羸室臺空有燕巢。知共燕閒多唱和。郵筒詩句待頻鈎。

送張仲張

蘆溝頻與送歸驂。孤客羈心轉不堪。似爾更疑初蟄屬。如予寧止再

眠蚕哀箏信手歌難竟。殘局關心勢未諳。為語栖遲二三子。夢魂何日到江南。

試論流品喙難緘。豈獨閩西士不凡。未讀春秋虛短藝。不分荈粟愧長鑿。靡燕自暗王孫草。薜荔新裁野客衫。猶記吳人論吳士。陸沉名姓竟誰芟。

和溉堂韵荅豹人送之南還

稿紅

江皋烟月摠移情。况復邗溝曲抱城。歌舫過袖偃旗亭。侵水綠波平。歸後客路歡猶劇。詒到功深句轉生。稻熟蟹肥秋色好。且隨江雁賦南征。

薊門有感

寒宵何處不銷魂。宿火初殘強自溫。轉瞬几堪流白日。羈愁誰與共黃昏。初弦月過鐘疎。子夜燈銷片影存。安得此身生羽翼。便隨征雁渡江村。

庚申元日

一罇婪尾髮鬢。隻影支離定不堪。朔雪几曾驕薊北。春風知否到江南。心隨千里違鄉雁。身是三眠未繭蚕。聞道征蓬便堪掛。層冰今已渙春潭。

同遊黑龍潭

為歡端勿俟河清約。何妨汗漫行。稍遠塵埃。尋野廟。平臨臺榭對。  
高城春潭。蜃蟄生雲氣。晚樹雅啼。襟市聲。墻角一株花。正好不知吟。  
賞夕陽傾。

荅沈立中

離懷并與客愁深。回策河橋。每夕陰。握手幾人工說劍。移情何處共。  
攜琴。幸無詞賦逢楊億。豈有聲名過季心。投贈却煩青玉案。吳興風。  
雅未銷沉。

茉莉和丙齋韻

盤蕙欺蘭。特地芳騷人空自賦。沅湘團酥削玉。仙家種雪。豔冰鞋天。  
上香作供。居然伴幽。獨移根。几度耐炎涼。亭。更自憐。孤影月起。花。  
陰刻漏長。

代叙事言情與蘇石

繁星斜月對黃昏。河漢沉沉。可復仍長。得相憐。偏隔座。儘教人。妬奈。  
銷魂夢。殘不識。朝雲路。泪落頻添。弱水痕。一寸肝腸。數行字。幾經鏤。  
刻至今存。  
舊恩如海。未容忘。芍藥花開。寄恨長。款語再通。教滅燭。贈行無計。只。  
油囊離。竟便逐。吳江浪。回首應憐。薊苑霜。遮莫山頭。似人石。先隨。歸。  
雁到江鄉。

寄故人江外

風景山河摠斷魂。復驚奔電變寒溫。舊交屈指晨星少。殘夢關心片  
月昏。時事滄桑應自見。故園松菊幸猶存。大蘇詩句吾能記。家在江  
南黃葉村。

飲湘北齊再和耦長韻

江南詞客悵天涯。一笑相逢北海家。夜永綠波搖酒浪。坐深寒粟  
鄰燈花。時才正變殊詩格。故國風流感夢華。頻到高齋應未訝。白  
賓長見月橫斜。

與高澹人

幾年曳履直彤扉。芳膳頻分着賜衣。金鏡聲華家乘遠。紫薇才地近  
耒稀。珠鞭曉拂明星入。畫燭宵聽禁漏歸。較罷內庭書萬卷。草堂詩  
句獨依。

烏龍潭九日和陳子文 二首之一

路轉城隅樹幾叢。高秋騁望遠天空。漁陽遊俠無遺俗。碣石烟蕪有  
廢宮。龍卧幾年潭草碧。鴻飛萬里塞雲紅。登臨更勿頻回首。故國青  
山落照中。

疊前韻 二首之一

平岡衰草沒烟叢。此地雄圖轉軸空。猶見野雲迷黍谷。獨苗仙梵隱



花宮靈龍人去千峰暗  
銅馬塵銷九陌紅  
指點西山更北玉泉鳴  
咽亂雲中

三疊前韻 二首之一

光映書籤吐玉蟠  
夾衣頻向晚涼添  
曾非燕領羞投筆  
卽妬蛾眉獨掩奩  
白帽且從驢背墮  
青衫莫遣泪痕沾  
茱萸苦憶鄉山好  
老怯風霜崩劣夫

和錢道耕時在鄱陽

花信初殘事遠遊  
中星四改火西流  
欲衝寒陣無乘落  
似訴歸心有粟函  
千里壯懷悲攄馬  
五湖生詭逐沙鷗  
自無文績工圖畫  
白石南山好飯牛

香草誰當日以蘭  
出年心事几摧殘  
俗人見惜何由避  
天意難知未有端  
蟋蟀聲中孤枕冷  
芙蓉花外一庭寒  
莫從象緯占牛斗  
去歲妖星側杖看

與查韶荒時携二晦書至將至清江并呈魏子存

鍵戶高齋喜見君  
况携凌鯉到江濱  
病猶作客真無策  
老不如人豈足云  
廢苑暗烽聞鬼嘯  
荒城哀柳散鴉群  
河梁昨夜仍携手  
夢斷宵鐘意倍勤

子夜荒山叫杜鵑  
浮生事、子猷舸千頭  
未種江陵橘  
二頃難營陽

羨田水落清江遊子路  
天空秋色晚烽烟  
南湖鷗鷺如相問  
事與心違又十年

醉錢道耕原韵 四首之二

玲瓏碧藕紫菱鮮  
盧橘堆盤火齊燃  
樺燭漏稀人病酒  
筠簾花落客高眠  
五湖春水閒垂釣  
十地齋鐘老學禪  
最好故鄉偏浪跡  
層城何處問芝田

同心真覺臭如蘭  
共笑推枰局已殘  
寶網山河千劫外  
華嚴樓閣一毫端  
并無噩夢銷塵業  
可信前身住廣寒  
夙習未除還自喜  
托君詩句再三看

與查勉齋

宿火浮烟裊一絲  
景陵宮篆繡盤蟠  
月沉城漏將殘夜  
風漾缸花欲卸時  
鶻鴟獸聽蠻語慣  
鶻鴟頻喚雨聲滋  
夢中彩筆依然在  
為草江郎恨賦遲

醉宋稚恭原韵時在安道道中

長自空居不著書  
偶然乘興復脂車  
鶯啼正及歸心後  
草色全銷客思餘  
湘渚蓴肥猶足供  
山田藥嫩竟須鋤  
難忘只是懷鴻寶  
老樹淮南帳別時

吳天章以詩見投依韵酬之

銷盡朱顏西日流。浮生長是逐沙鷗。採芝未解尋商洛。種菜無勞學  
豫州。夢裡客來曾索錦。澤中人去好披裘。寓言十九君偏信。高詒蒙  
莊知北遊。

江州曉行兼寄宣城梅耦長

片：山雲卷帽飛。雲邊山徑遠微。秋風新續聞猿唳。鄉國蒼茫指  
雁歸。苦竹宅荒。悲白傳。澄江句好。憶元輝。紛：野馬隨陽燄。只為遊  
人改素衣。

再荅道耕

山城寒角咽風頻。屋瓦重看霏色新。每歡禽聲爭報曉。更無花信可  
催春。亂鴉我自渾塗乙。幼婦君偏送。受辛何日當湖容。放棹看山應  
待白頭人。

假觀真成頌六如。歲華偏未付空虛。青山自愛成孤往。黃石何勞問  
異書。隱怪姓名留越絕。荒唐聞見紀虞初。却教一笑開絨喜。歸棹橫  
秋一播予。

獨憐垂老客遊頻。不耐東風曆又新。積雨不晴愁改歲。驚雷數見始  
交春。銀旛剪勝過殘臘。絨手調酥闋五辛。濟水龍山風景好。何時知  
共故園人。

送友之越

老去誰能再據鞍。山川搖落鬣毛殘。不伸一指何妨屈。儘豁雙眉莫用攢。吟嘯不知華歲改。寤歌無恙碩人寬。側身天地還相向。風動枯桑海水寒。

過九烟民部用太冲旦中用晦韵

傳經售字復箋書。生事年々較不如。龍腹半生遠海帽。羊腸九折大行車。他鄉無主家頻徙。老大逢人計轉疎。憔悴知君終不悔。講堂空負舊三魚。

癸歸東里中諸子和韻

回車何必為朝歌。曾聽良箴响震鼉。冰雪載途催臘遞。舟車頻換計程多。丹青代起絲難素。瑕累誰芟玉未磨。敗礎頽垣鄞溪路。憐君曾為幾經過。

江南地濕易春潮。積雨凝陰暮復朝。遠夢曉隨虫語却。疎更宵逐雁行飄。花溪不記漁人路。野涉頻尋燕子招。待爾同尋燒藥灶。橫槁側影寥。

幾時夜雨得聯牀。共話他鄉與故鄉。門外不須逃池柳。社中誰復識庚桑。白頭乞食能無媿。青眼看人未敢狂。幸有惠連先放棹。春來夢草遍池塘。

舊事何堪計夢華。秋風蕭瑟泛歸槎。老思炳燭知何益。貧欲逢年詎

搃賸霜後霜前遊子路。江南江北野人家。知君亦擬山中老。誰與同耕靈敏瓜。

過呂晚村

方池百頃竹千竿。白板雙扉鎖斷垣。負笈人來千里外。讐書力保五經殘。聊從俗好論時藝。尚有窮交守歲寒。為悔浮名曾歎老。鼠肝虫臂意漫漫。

和陳簡齋原韵

江城猶及挽歸舫。高會良辰樂事瓊。遊子停鞭方北雁。故人秉燭又西窓。座中詞客推三絕。句裡高名敵半江。湖海倔強應自笑。可因勝負食其山。外夕陽開一曲。清溪抱檻曲種藥。園連燒藥灶。藏書樓對讀書臺。蔬傳閩部留遺事。花滿琴川記手栽。此日誰從論疇昔。獨慚酬荅建安初。馬湘燒藥灶在西山。顧况讀書臺在東山。曹家其間曾官。隆武銓部初令渠川。

送百旃之通州謁何蕤音叢自王望寓中

促刺驅車謁故人。衝風馬首沒征塵。屢遷馮煖羞長鋏。入座符融愧幅巾。薊北霜高纔十月。潞河水合已經旬。棲遲應悔遊京洛。愁憶江南故國春。

送翁夢白

秦關楚嶺路悠悠。絲袖趨庭賦宦遊。千雉專城分領部。一時清秩總

監州官程柳暗征轅急卧閣花明戰鼓收到日可能尋雅事歧亭應  
為訪龍丘

又送夢白和其面別原韵 四首之二

南北相望驛路長飛綿處落垂楊好將門關誇千載定遣聲名徧  
兩鄉鎖鑰咽喉隘河洛折衝心旅寄湖湘煩君試覓龍丘子欲借髯  
蕪煮藥方

銷魂詞賦至今傳惜別懷人有昔賢短髯皤霜增旅夢青山瘦日送  
緇羈流亡徧地經過恠聲鼓頻年老大偏也擬依劉還未得喜君官  
近鹿門邊  
氣未全降

畫閣輕陰壓卷簾准詞真味水中鹽更無車騎因人減自愛琴書永  
日淹塵外交遊千載集體中通介一時蕪四年舊事渾如昨檠燭清  
樽許再拈

送寅工入燕

倦遊帳別兩難堪客路風塵味久諳千里寧論負墻馬三眠真愧味  
絲蚕燕臺人去書猶恨易水歌成酒易酣君到渾河試回首無邊春  
色是江南

年少才名事、蕪珠槃牛耳更沾、不成画扇猶人笑仍作鵬魚亦

卽嫌莫遣霜華生旅鬢只裝書卷罄行奩  
百金寶劍漁陽句意氣差強為爾拙

答曹耘蓮

歸鞭真為惜離群底事兼旬始過君  
去路自憐無藉在天心久已誤傳聞  
松陰石迳仍前印茗椀香爐又夕曛  
曾愧忘年今亦老白頭相向復何云

漸忘思理只多愁老耄寧堪更客遊  
艾豕未能窮損益姓名並不記曹劉  
鶯花舊里應無恙鰕菜窮鄉亦易求  
况有故人容乞米魯公書法好頻鈎

送查次谷

銅柱崑崙痛未蕪領猿偏向棘人多  
地蛇瘴黑迷芒屨鯨鱉波腥渡博羅  
夢斷五更遶問寢天窮萬里泣拖枹  
莫愁歸路滿湘淺泪浥江濤漲幾何

閑園主人以書招余及二晦曰息菴元直相叙一堂使妻子得奔走堂下豈不深快因疊昔年長句韻答之四首之一

好擬南陽舊日龐卽今風雅迥無雙  
不教伎樂驕南部長把丹鉛對北窓  
芒屨思君歸甫里烟梳有客渡胥江  
仍看藝苑推群壘未肯因循築受降

壬戌上元余將東歸再疊仲常元日韻以志別

浮雲蒼狗變仍頻一局棋翻譜劫新收馬嘶殘芳草暮乳雅啼斷故  
宮春歸從北固愁思丁卯事滿錢塘憶癸辛款乃棹歌君試聽漁舟仍  
有唱醉人

贈禹平即疊前韻

小言江左自閑○好譜新詞付小鬟老鐵笛吹三泖浪少紅簫過五  
湖灣塵生滄海人間劫市吐樓臺海上山騶衍不來徐福劫與君何  
術駐衰顏

和黃二晦十五首之二

預擬春流與岼齋便催瓊漿一蓬低花陰漏日紅浮檻麥浪啣風綠  
滿畦麋鹿窺人投別嶺鳧鷖避客渡前溪更拈險韻從人笑遮莫新  
詩幾疊題

齷齪差論舍豆萁行來絕跡自珊瑚初心入世相忘易絕業多生自  
憾難杳霭山鐘僧梵斷清圓隣笛客吟殘幽蹊處堪乘興始多乾  
坤儘自寬

和荅友人賞菊四首之二

真為看花也合未故人高閣况重開霜前紫蟹三秋饌雁後黃花九  
日盃天下君為陳仲舉人間我是賀方回尋歡便擬忘歸去底事愁



心日夜催

送禹平歸武唐

移居空擬似洪崖。家在丹山碧水涯。  
位置玉爐連卧榻。安排琴薦對書齋。  
蠟花永夜含雙蒂。銀剪初春長嫩芽。  
縹緲玉簫何處起。瑤臺鸞鳳自嗒口。

星紀珠躔鵲始巢。東風先已遍青郊。  
薄裝映日催花信。画鷁穿雲度柳梢。  
江左家聲仍卜鳳。人間才子本懷蛟。  
金臺會重凌雲賦。綵筆無煩更解嘲。

和子瞻咏雪次韻

寒風怒捲變漁織。浴鐵初歸乍解嚴。  
何意山田都種玉。不妨江賦也添鹽。  
軍成縞素連千嶂。博散瓊瑤屑滿檐。  
曉禮慈雲驚自喜。白毫紅覆兩眉尖。  
熹微曉色散群鴉。飛雪從教障日車。  
江郡濤深趁噴浪。山城樹少愛飛花。  
開樽定有梁園客。閉戶真成處士家。  
也貯百錢防貰酒。屋梁留待鷓鴣叉。

送姚虞仲用白田韻同水村

浮生蹤跡遠遊年。頻到幽燕總偶然。  
客夢久懸青海上。歸程真指白鷗邊。  
千山裊柳鶯聲坂。八月輕雲卯色天。  
為問九還何日就。此身曾

見再桑田

贈韓元少用水部韻 二首之一

聞道專鱸歸思頻。名高館閣且逡巡。行藏通識原隨俗。咳吐風流自絕塵。剩有詩騷追樂府。未教歲月老詞臣。知君自許千秋事。大雅於今更幾人。

送牧仲之濟南 二首之一

東國誰當執憲和。風流更爭羨繡衣。來欲令吏治。皆經術。故遠文臣。長外。葛。禮。樂。事。仍。曲。阜。隱。淪。人。倘。在。徂。徠。獨。憐。三。載。相。望。遠。歸。棹。空。隨。夏。澤。歸。

送周雪與太原幕

一畝田西憶共留。五更斜月尚追遊。侍郎空惜金陵舊。公子驚隨碣石秋。俸薄折腰聊捧檄。賦成回首尚登樓。心情肯為卑官減。風雅何妨覽冀州。

漢庭經術重倪寬。佐幕驚從淩月看。定許掾曹成傲吏。由來騷賦屬衙官。時更塵劫山川改。事有推排意氣難。贏得家風書萬卷。丹鉛猶耐一燈寒。

初度揚少司馬以詩見貽家徵君翼王司農佳廬爭步其韻為強和高唱殊不能工也

修短浮生勿更推。天年栲櫟喜非忝。久輸屨屐歸前輩。猶愛山川偶  
再來。詰齒文章韓吏部。斷腸詞句賀方回。即論小技吾何有。何處容  
携杖履陪。

再和以齋司馬韻

何曾馬磨解躬推。始信逃名屬異才。不識長安謾西笑。誰言函谷又  
東來。好尋舊約還招隱。未必移文竟勒回。君自席頭工著述。詞壇吾  
久廢追陪。

紛紜題目擅相推。跋扈飛揚幾駭才。兔苑尊前名獨起。鹿門林下客  
誰來。東臨滄海歎猶壯。西眺青山望屢回。野老歲時忘莫問。高齋羸  
得暫歡陪。

題張漢瞻望雲圖

二首之一

片帆遙指白雲飛。遠望何曾當得歸。一寸春暉慈母線。滿襟塵土客  
遊衣。浮生出處勞。夢心跡風塵事。非漫說壇英曾緩轡。何如親  
舍進甘肥。

和禹平送王清臣

薄裝手剪薜蘿衣。今昨何勞問是非。丹訣好從山水得。白頭應惜弟  
兄違。沙鷗湖海催鄉夢。候雁程途笑倦飛。去住捻佳歸更好。欲歸遊  
子幾真歸。

零雨江南鵲鳥鳴。秋風漸買一舟成。客裘減盡開帆易，漲水初深放  
閘輕。苔徑好鋪新薦石，茆堂應換舊茶鐺。君家舊隱吾能到，為爾真  
懷求友聲。

疊韻寄潘美舍

萬斛緇塵染客衣。白頭真悔浪遊非。與君試憶當年事，如我空慙始  
顏違。存沒百年良友恨，閑山千里片鴻飛。風前底事酬書緩，總接鄉  
音便擬歸。

河橋曾聽杜鵑鳴。一夜青山歸夢成。豈意重來淹歲月，可疑猶是羨  
肥輕。鄉園負笑留羶任，行李愁添煮藥鐺。聞道山中新著就，懸知林  
壑少同聲。

壽魏青城七十用計相韻

小駐人間七十年。松喬應便許連翩。已看出慰東山望，又見歸投別  
野鞭。去國山川殘劫夢，黨人門戶定餘天。浮生日月無煩計，桃寔西  
池歲幾千。

老友清江去復回。使君齋閣十旬開。升沉舊事悲同患，詞賦新年共  
別裁。度外聲名輕薄尹，當時題目願厨和。雲龍好與誇韓孟，此日懸  
知對舉盃。

舍南舍北好徊翔。手種孤松幹已蒼。黃葉堆中千卷繞，青山深處一

舟藏感時未免裁詩史。隨俗何妨學漫郎。羨爾精神抵丹藥。几曾老  
相畏摧傷。

偶然廊廟與江湖。投老閒身孰與徒。詩白開元兼大曆。官情雲澤及  
魚鳧。人間蹤跡投林鳥。客座盤飧舉網鱸。他日涉園來往數。也能二  
老繪新圖。

奉荅梅岩六兄見酬原韻

戴石屏家居詩曰。到底閉門非吾事。白鷗心性五湖旁。石屏  
未免干謁。不以得此解嘲也。余薄遊十年於甲子秋杪始返  
里門。陡然病作。既而少羞重為白下之遊。以今年上元前四  
日南歸。將復買渡江之楫。遠展來詩讀之。撫然率爾奉和。語  
無倫次。耿耿在中。惟君知我。不知更有以鞭其後否。時赤奮  
若之陬。月下絃後一日。書于雲喻軒之南牕。

衰年愁病兩難支。索處惟君寄遠思。敬枕不臨今雨帖。招友人不至開緘忽  
睹白雲貽。讀書儘嬾容。便腹乞食雖節賤。孺嘔一棹鴟湖未往處。柳  
絲空把去年枝。

荒郊久擬結柴關。息影漁磯麥隴間。五月披裘漸潁水。十年賣菴負  
嵩山。不無漫興詩偏少。為檢方書病未閒。素髮千絲亂披領。莫教重  
與話朱顏。

不須春去怨啼鶻春興今年減去年已恨歡娛成間隔那堪哀訊又  
驚傳初得黃工取要肢沈約愁應劇骨相雲翻恨底偏莫謂遠遊能汗漫  
強因人事愁茫然

茫茫失路更多岐空負當年裘足期浪跡每憐歌鼓枹同轂猶幸和  
吹簫固知己事從難悔尚說勞人有所思炳燭雖勤定奚補百年轉  
數幾何時

道旁擾、定何居弱草輕塵洵六如五岳未週雙蠟夜半生室處一  
齋書乍歸不覺交遊盡漸老方知計畫疎媿爾衣冠如畫裡傳經弟  
子滿梅廬

碧嶺蕭疎楓樹林食其山側幾同心好人直是留斜迳幽境何嘗苦  
陸沉萬石窩前荒草遍查伊璜 二梅亭外亂烟深 燕銘兄寄居處 未詩曾及兩君明年

信誓歸來約松菊雖燕好共尋

窮郊陟絕廢舟車感、風塵又曷如避影幾能欺象罔畏人吾亦類  
爰居文章道晦寧煩子立齋固成好置余何日往來稱二老春流繫  
艇到前除

寂寞無須著劇秦耦耕人自不知津好尋芝草歸商洛正有桃花滿  
富春但使青山知舊日豈曾白社拒遺民強吟詩句醉未休惆悵衣  
裳萬斛塵

疊梅岩見寄原韵

雪霽春遊好探支。閒園如圃寂宜思。尊前客聽鶻啼散。雲外書傳雁字貽。尚有短衣垂兩髀。不教長劍拄修頤。升沈好友知相笑。老大癡同稚少時。

早鶯隨處語闌。春在幽溪枉渚間。鼓瑟曲哀慙抱瑟。在山泉濁媿棲山。窮知改轍原無用。老學因時轉未閒。素髮千絲亂垂領。莫教重與話朱顏。

喚醒殘夢是啼鶻。花落岩扉不計年。真惜舟迷武陵渡。何煩書自穀城傳。龍華浩叔人如夢。坎井波瀾地自偏。舊隱一堤春水綠。數教漁笛晚蒼然。

青囊續軒岐。珍重當年良友期。流品共論容隱逸。靈蘭同學亦墳荒。舊遊已惜晨星少。昔夢驚迴往日思。却笑秋清憐伏枕。東風又是落花時。一卷

窮郊息影悵離局。感。風塵靡所如。三寸魚腸空說劍。幾行蠶尾漫醅書。笙簧出谷鶯聲却。繡素天涯雁羽踈。無定遊踪君莫恠。人間何處不蘧廬。

曾過帟阜問東林。俯仰興懷異代心。浪跡幾憐成汗漫。浮生原不計升沉。山高五老雲長護。人到千秋意自深。歸聽濤聲故鄉近。桐江繡

嶺好幽尋

便欲真乘下澤車，不歸歷碌意何如。  
唐宗好與開新社，漁父何勞更卜居。  
適越客歸疑魯叟，避秦人去笑由余。  
春閒且復看花去，乍暖柔風減半除。

武陵深處不知秦，未許南陽客問津。  
林酒舊諳先世臘，薺花初放隴頭春。  
百年耆舊無儒服，三戶耕桑有逸民。  
聞說江南無限好，豈堪重踏軟紅塵。

紅豆老人和雁字詩，健筆縱橫游行自在。  
聲山屬余試和，強如其數既成，乃覺草草不如不和之為得也。

虫書蝸篆亂三倉，鳥跡閑看喜欲狂。  
密、疎、如有意斜、整、自成行。  
丹鉛點染雲藍淺，碑版鏤成碧落長。  
莫謗圖書媿龍馬，應知羽翼有文章。

解識偏旁定不訛，縱橫磊落竟如何。  
全身倒影成蝌蚪，側勢征雲見扁螺。  
督策自矜飛動色，迴翔頻作折鋒過。  
只憐天闕雷霆篆，散落山阿與水阿。

未容草、作鴉塗，鳳翥鸞翔費做摸。  
擬學摩窠堪避弋，將因運帚更踟躕。  
曾無變體從今異，猶信同文遠不殊。  
底向衡湘輒投筆，摩崖留得數行無。



雲落孤飛跡偶疎。依稀點畫未成初。天涯揮羽傳誰檄。絕域乘翰獨  
寄書<sup>北</sup>。渡畏吾重譯。至西來身毒。再翻餘。爭看退鷁橫行字。始覺人間  
八法處。

蒼茫豈撒點風烟。一畫原居篆籀先。導送還開撥鐙法。濃斜已見撮  
襟傳。錢空腕力排銀漢。截水鋒芒落大川。嗚啞自吟秋。共句墨花驚  
看舞高天。

長向燈昏月暗時。參差猶未廢臨池。烟霏務結行如斲。解舞迴風休  
更部。天上圖書原不秘。人間音信寄偏遲。汗青况復須鴻筆。莫惜連  
篇累牘郵。

書契鴻濛未易思。憑伊想見最初時。烟銷却誦書室帖。影過仍留淡  
字碑。杳々入雲真滲墨。噫々命侶共題詩。羽陵蠹簡今何似。片翮依  
然太古遺。

信筆真行倦即休。隨身翰墨不須求。山川好處如題畫。風日佳時即  
記遊。南岳迴風苗卷尾。玉清排翮上詞頭。孔肩薄首容誰似。戲海唯  
應太傅儔。

行間茂密傍晴霞。別体分形擅幾家。飛白細填霜雪重。硬黃摸恍日  
光斜。渡從斷嶂曾鐫石。宿傍汀洲更畫沙。莫歎無從覓斯邈。從教布  
濩滿天涯。

銘刻高空好策勦山河踪跡幾紛紛已從烏陣傳戈法更向禽經辨  
古文野鷺家鷄應自別片鴻乙燕豈難分曲江誰復題名字遺塔空  
教紀舊聞

珥筆無端鷓鷯班鴻章只是副名山呈文繚繞低徊處得意處無香  
霽間寄遠生同黃鵠徒寫愁仍傍白鷗閒虞羅莫信憐文采勿傍風  
塵教待還

當湖別郭旭阜二首選一

結客黃金盡懷人白社開南皮真樂事北海有雄才多難看交態長  
愁信酒杯離歌將去棹為爾一徘徊

沈橫槎納姬二首選一

調笑旁人見殷勤儘婦疑意消殘夢後香辣換衣時不信巫山脚空  
傳神女詞十年南國恨真許一朝移

姜真源侍御座別姜綺季徐伯調

尺素春相問。江城客並遊。玉驄揚柳岸。金管木蘭舟。每與論詩似。長懷送別愁。西陵歸去路。芳草又汀洲。

過王烟客太常東園二首選一

相國風流遠。孫枝興寓濃。萬金開別墅。三載築孤峰。鑿地波千頃。侵雲路几重。最嫌秋日短。容易一支筇。

昭君怨

匹馬離長樂。邊雲泣度遼。空憐傾國色。不向漢宮銷。紫塞連天障。黃河圻地潮。燕支山下路。莫問霍嫖姚。

白雲菴

絕頂紆回上。回岡對石闌。丹楓飄午磬。翠靄抱秋巒。海近雲時起。山高風易寒。春來容禡被。幽壑正旣蘭。

孤舟山望遠

一峰橫別嶂。萬里失秋毫。古郡人烟禡。空山梵唄高。嶺低橫鳥道。溪漲亂漁舸。極望錢塘水。彌天正晚濤。

與德謙濬初上人

聞說花桐塢。精藍迥絕倫。外身尋化土。本色住山人。道法還兄弟。風霜共隱淪。不憎康樂過。短榻每留賓。

吳門哭程徵君仲宇

憔悴徵君逝遺書空自存談兵忘寢食註易廢朝昏凍餒從妻子飄零惜弟昆瞻烏當日嘆野哭最傷魂

寄徐武靜雲

樽酒西冷約睽離竟至今驚心看北雁托意味南金書信江湖濶風塵歲月深木蘭三泖漿吾欲恣幽尋

與宗鶴問

七子名長在風流憶考功家聲仍奕葉詞藻見宗工吟嘯携同侶登臨向晚風北來遊子興真是為群公

苗別上谷陳藹公

身世飄零後君親喪亂餘艱辛苗舊業涕淚滿遺書雛鳳名初起元龍氣未除側身天地內君意欲何如

過率園

亭榭偏宜少峰巒更喜平山根芳草亂池面落花輕雨後看雌霓風前聽子鶯主人真好事長不倦逢迎許我携書入看誰載酒來薄寒停爽色殘雨斷鳴雷細草蒸衣帶餘花覆石臺重來渾未忘臨去復徘徊

過葉聖野

門巷吳趨里難忘本易知停車借問處倒屣降階時雲色昏臺遠鶯

聲茂苑遲。憑君發筍篋。相對一論詩。

山樓尋子葆不遇二首存一

高閣當山起。回闌帶嶺斜。樹絲侵徑路。花密絢雲霞。野色鄰人笛。城陰戰士笳。怜君久苗滯。

亦天涯

中秋二首存一

長記中秋月。當年坐夜闌。祇今雙鬢點。畏向一輪看。節序驚心換。光輝到面寒。清尊不堪把。哀樂本無端。

乙未除夕

每欲辭家國。栖遲又故鄉。鬢華行冉冉。生事倍茫茫。豈復怜馳騁。魚難論卷藏。老親還健在。貧賤總無妨。

丙申元旦

吾鄉仍禮俗。元日共相迎。漸已多兒輩。深知愧老成。雲烟籠曉色。花鳥報新晴。歲事占來好。條風向晚輕。

乙未仲冬融風為虐。密香樓萬卷與須雲閣法書名畫俱燼。十年散帛亦盡歸烟燄矣。客有來唁者。倦於裁荅。輒作數篇。五言。艸率叙述。以代報章。愁苦之詞。易工。不知哀吟之無當也。

九首存五

千金享故帚。萬卷擁連城。劫火空群柳。狂華刃有情。飛塵銷大地。慧

業悞浮生此後應知悔。彫蟲意轉輟。  
恐俱危巢日。網繆肯構年。不堪無忌怒。并作竄封烟。用馬將何及。雕  
荷亦并爇。丈夫無火難。人力豈勝天。

北風愁積澤。南國托蕭丘。那解祈玄冥。何從問鬱攸。振衣我未得。濡  
被彼何求。絕異恭元富。貽書笑柳州。

何人過廉工。廉原本公吾道學梁鴻。幸至熱遺搆。俄然竟反風。琴書千載

後。風雨十年踪。獨抱傷心事。丹鉛手澤空。先君手錄書及餘集  
二千餘紙俱存

十五伶嬌如妝樓。倚碧甯。石床橫錦瑟。銀蒜壓文綃。螭虎盤跳脫。熊  
羆守步搖。可應衰鮑侶。能不瓊瑤。

過周燦谷書齋

數楹開別業。一徑審山西。竹影高臨阜。花陰曲護堤。隣園過蛺蝶。在  
渚隱虹蜺。頗許君誇好。寒梅種滿蹊。

與雪珂上人

自愛生公石。來尋開士家。山中滿歌吹。天末散雲霞。我醉烏程酒。君  
分席阜茶。相逢問密諦。長欲雨天花。

過查逸遠盛川

小市絲群賈。帆檣夜滿汀。越絲千篚句。吳綺萬机青。衣被何其遠。噓  
囂不耐聽。君來偏意淨。踪跡本鴻冥。

錫山

几曲春申澗。支筇偶獨遊。馬蹄來北客。鷓首向南州。嵐抱孤峰暮。烟浮衆壑秋。石泉無禁取。罌缶滿歸舟。

與澈山居人語

放舡知何處。相望隔几山。旌旗秋汛出。鼓角夜防還。稻蟹天時病。魚鹽物力艱。此邦勞瘁久。原不羨安閒。

鼓城即事

伯顏兵宿處。烽堠至今傳。斷岫時侵水。高峰竟黨天。雜花開蔣子。名樹秀君遷。南去臨安近。登臨倍黯然。

過寅工讀書處

鼓勇無衡陣。先登有勝兵。文章多少恨。涕淚不勝情。礪戶雲長起。山樓月倍明。此中高卧者。宜自為蒼生。

即事

偶向人間別。那堪二十年。歲華長自遠。心事向誰傳。物態行如此。天心豈復然。從君五湖曲。為買木蘭舡。

梅市雪後歸棹別園陵諸子

殘雪垂。晚依雲滄。凝。再來登北幹。未忍向西陵。唱和貪同調。縱橫角代興。他年壇坫側。倘許脩邦滕。

虎丘遇王周臣寄陸桴亭

此日誠何幸相逢却盡歡。山川窮眺覽。舟棹任盤桓。典冊君文貴。風霜吾道難。桴亭秋色遠。書信久漫漫。

寄查王望四首存三

問訊東荒率期年。治若何瘡痍。猶戰伐。風俗已絃歌。綉陌深桃李。琴堂隱薜蘿。遠論循吏績。李未應過。每詫藍官海。雄濤大小壘。與君恰兩地。相望復三門。明月人千里。停雲酒一樽。尺書懷袖裏。珍重字長存。

往來連帥地。俯仰異時才。古寺功曹苑。平岡南武臺。山川天外遠。歌舞日邊開。回首英雄異。蕭條莽自哀。

送查策阿之新興兼呈王望二首存一

仙綬君家貴。聯翩宦粵南。索廬剛石硤。倒浦媚珠潭。芳竹名長在。蒼梧勝可探。似聞兵革後。好與勸春蚕。

送顧季蔚令真陽二首存一

仙吏乘軺去。秋風偵水旁。中原百戰地。舊國七波陽。習俗岐園化。風流汝蔡鄉。知君尚經術。早晚奏循良。

寄陳長生高州二首存一

佐郡臨甌越。相違近十年。高涼開電白。零綠阻吳川。龍馬來天外。蛟



人傍海偏官間知有暇雅興有人傳

寄陸桴亭兼訊郁儀臣王石尹張桴公陸翼王江虞九盛聖傳

諸子 三首存一

長憶淩江棹過君水上亭城陰當檻落海色對樽青  
兵革占秋月天文辨客星於今遙聘望千里路冷

得王懷人亦世武源信 四首存二

邗江五月路西制九秋期暫隔空相問同遊又幾時  
美人秦帝廟名宦鮑郎神抗慨登處能無絕妙詞

風雅君邗治桑麻展武鄉琴聲疑單父花氣變河陽  
衰柳仍官路啼鶯更女壙得誇遊客好絕勝似文房

集潘百申美含齋同朱近修沈寅工龍叙及家紫度弟 三首存二

欲忘人世事竟夕坐清秋賓主難長聚風塵迥獨愁  
西風聽戰鼓寒色攬貂裘把手還相詔名山共遠遊

文許相如痴詩看謝客好細論樽酒後把賦晚風前  
雅韻憑誰賞浮名好自傳不須怜寂寞久已守吾玄

硤山泉石惟徐氏一園余往返停棹時寄覽近以主人行賈

絕不可遊矣舟過其側率爾有味 二首存一

亭榭依然在蒼涼不可尋沼荷空艷 埤竹自森 候燕春猶乳寒

螢夜獨吟。從來遊賞地。風雅已銷沉。

秦駐山

秦皇駐蹕地。遺跡至今雄。碧海蓬萊雨。丹霄桐栢風。豈無天子氣。曾有大夫初。峭削難登處。真堪俯八鴻。

王讓令甥吉夕二首存一

手澤猶存。面劬勞。母氏功。粉雲催奠。雁明。月憶。九熊宅。相徵甥。貴家聲。勉。父風。老成吾愛如。不必問窮通。

長姊四十六首存三

夫婿親迎。日沉疴已不支。白駒三載恨。黃鶴百年詩。文錦鴛鴦。綉明珠翡翠。帷銷沉空篋。底不復見威儀。

化城開淨域。終不過停車。即閣瞿曇座。胎奩貝葉書。春烟瑤鼎滿。夜月寶燈虛。說法全身見。憑誰真六如。

猶記兒童印。肩隨父母前。學詩分錦帙。寫字擘瑤牋。老大嗟何及。漂零強自憐。惟應大家譽。炳朗古今傳。

與張無逸是吾友常叔子元岵先生孫二首存一

數子懷同學。君家有老尊。交遊真古處。誦讀廢朝昏。存沒人俱感。升沉理莫論。每緣看玉壽。慰藉嘆淵源。

過宿右吉新居四首存二

停車頻過客。下榻又留賓。北海傾尊印。南陽抱膝人。夕陰遲上月。密  
樹迴含春。獨有千秋意。相看憶未申。  
數從曾無定。浮生自有涯。清尊對華燭。衰鬢聽哀笳。老覺詩難就。春  
憎日易斜。江南戎馬地。回首不勝嗟。

訪潘美含兼呈褚研耘

角里幽居處。臯比講易時。林泉貪地主。義解得經師。春盡花猶密。庭  
閒日更遲。携筇再三至。豈直為相思。  
蕙草盈庭發。藤花繞屋垂。書成酬客易。酒密憇懷遲。得失文難定。安  
危天易疑。千秋鹿門侶。俯仰係人思。

與沈鳴天

五年勞夢寐。珍重一過君。庭戶深春草。江天起暮雲。浮生幾為別。物  
態不堪聞。未覺相從久。流連夜已分。

飲沈仲武秋酒適園二首存一

戶啟如迎客。亭虛若有人。琅玕含宿霧。楊柳散輕塵。時序遷何易。英  
華適自親。夜深頻剪燭。遊子劇傷春。

東緯思汗千余有舊序在緯思汗千處

散帚怜吾拙。何妨仔細論。豈知玄晏序。翻為太冲存。舊恨留遺事。新  
愁滿故園。情文孫楚賦。為爾又銷魂。

與卓又枚

舊學推前輩家聲識後賢圖書存手澤刪述守芸編良冶才能繼  
樵輪妙畫傳知君續遺史惆悵建文年又枚為卓敬後人

登真如塔

欄檻憑虛出平懸落照斜水雲回大野虹蜺帶平沙浩劫悲前事浮  
生惜歲華隔溪僧倚杖閒看落藤花

書齋玉蘭花開極盛賦二詩紀之今存其一

庭外玉蘭樹當年手自栽屢經焚燹印空剩讀書臺人易流連老花  
偏爛熳開長應抱鉛槧更與剪蒿萊

與王墨山墨山時寓許兩王家二首存一

曲城總通騎何人並馬來可容吾載酒對爾共啣盃鉛槧箋竒字交  
遊集異扣蕩陰詩句就吟眺重徘徊

酬吳慶伯原韻

讌咲虛堂集流連更漏斜百籌慙酒戶雙璧羨名家玉署遺風采金  
尊惜鬢華留髡不辭醉一石未應誇  
對奕頻爭劫當筵屢泛卮令人忘夜永為爾善論詩野燒迎邊燧清  
霜溢戍旗祇應終日飲我德自支離

寄丘季貞

江斷清淮迥。天高楚塞長。停雲長竚立。明月永相望。鴻雁秋堪到。蒹葭晚正霽。山川莽搖落。矯首向蒼茫。

贈高雲客

鞞鼓春初旦。關山路未平。仍看賦遙集。直是爰逃名。仰筋供應盡。文章價漸輕。天涯回首處。知爾倍含情。

力行堂九日分韻作詩。余以十九日至。輒補四章。今存其三。

無用窺天意。徒然怨雨暘。丹楓千嶂落。碧草一溪長。去住悲人事。江山共夕陽。故鄉偏數徙。那得不沾裳。時旦中將移家此地無岡阜。孤城入望低。霸圖千乘里。行轅汝陽溪。感慨來新恨。登

臨有舊題。衛公開社處。知是草萋。

南城無俗學。呂南公甫里有詩稱異代。論懷抱。千秋自友朋。什成容補和。韻盡許重徵。只是愁鄉舊。何堪味代興。

九日過見石十一日再至

可是來南海。相逢再舉觴。子瞻在南海以真成開藥市何必佩萸房月暗蠟蛭竇。霜高橘柚黃。人生逢令節。聚散亦何常。

武林遇魏叔子

聞道寧都好。幽人有易堂。鴻冥去商洛。龍卧老南陽。徑路行疑絕。詩書澤更長。此邦翻見如。驚喜欲如狂。

輓梁仲木 三首存二

愛也嬰城。孤軍欲戰時。至今傷汲水。竟夕起秋颼。去國輜千里。無家借一枝。淮南栖隱處。相望不勝悲。

錢塘分夜後。尚寫弱雲詩。酒戶看差減。雄心老獨悲。晨星傷舊侶。宿草哭天涯。惆悵山陽笛。何粵寄所思。

與高雲客

閩越高雲客。才名自昔年。詩看少陵細。人借士安傳。時雲客續高士傳初成獨命攀嵇駕。偏回訪戴船。雲客與陳階六同至杭且欲過青州不果欣然我邂逅。旬日旅堂前。

展彥遠墓

玉樹埋何處。青丘斷隴黃。亂雲低欲墮。流水去無聲。志局空千載。文章老一生。龍門山下路。祇見濁醪傾。撫琴音欲絕。宿草淚猶傾。如我真相負。疑君虛此生。共應悲伯道。誰復悼威明。神聖綿。在何時。拱木平。

和韓渥馬上見韻為襄御

遮莫是錢。真疑天上仙。弓靴輕整鐙。纖手怯蒙鞭。映日花含笑。迎風若欲眠。願為馮玉轡。長馱陌香韉。那得惜金錢。人生過幾仙。却愁墮驚馬。欲勒緩催鞭。腕弱回韁抱。身

輕倚燈眠。香塵飛歷亂。何處認花鞵。

過裕菴與學圃辰山四首存二

曲渚依舟楫。蝸廬聚友生。不從塵世外。那見古人情。青史終難信。黃金笑未成。固應人共詆。端不羨浮名。  
靈藥堆床滿。藏書繞案斜。倚欄晴展卷。掃徑夜烹茶。綉陌開芳草。丹楓映落霞。綠溪有漁父。慎勿種菴花。

同長人亂情衛公方貽之豐臺看菊四首存一

午陰猶未晏。欲去且徘徊。試問群公在。曾經幾歲來。爭怜朔風勁。却似故園開。乍解征鞍客。新詩莫浪催。

立春和嵇由山人韵

黍谷回寒律。燕山動早春。一樽殘臘夕。合座故鄉人。風俗隨時異。韶光應候新。旅愁吾正氣。何以賦良辰。

皋園詩和康陳

幽栖頻改卜。此地敞平皋。歲月聊乘暇。風塵暫息勞。徑紆臨野坂。地僻隱城壕。欲到先延竚。千雲夏木高。

踰延藩虎落。偏爰北山家。隔岬蕭疎竹。沿汀爛熳花。入門溪路滑。度水石梁斜。出入真愁託。烟林處處遮。

山泉穿郭入。十里尚潺湲。水氣浮空檻。清聲落遠軒。到來疑驟雨。坐

久絕群喧更渡前溪去泠泠响石壘  
里注粉榆接輕衣信晚風傍林聽候鳥躡嶠數歸鴻徑草經時綠池  
蓮歲幾紅只愁安石望那許久山中

得繆天自燕中道歸詩依韵答之三首存一

高堂貽遠信千里念平安已事慙頻悔脩途恥畏難強吟增夜燭貪  
夢失晨餐西北浮雲遠無勞倚棹看

曉渡揚子

夜發瓜州渡微茫殘月明四更風暫息孤客意頻驚往返知何事浮  
沉愧此生故人應有責逋約共春耕

再渡錢塘

薊北初歸客錢塘又買舟勞生空自惜畏路莫深愁山色曉無定江  
濤冬盡收時獨回首惆悵望東樓

壽沈寅公五十三首存二

函丈談經處經過每駐鞭那能無聚散長自惜留連屈指交遊舊驚  
心壯盛年祇今強半百初服尚婣媠

玉帛南州會旌旗北府兵檄文似司馬論劍屈荆卿盛氣隨年減愁  
心逐境生畏將哀暮感對爾話生平

再晤六益 三首存二



君歸何乃速。吾尚客西湖。白岳曾遊否。黃山有賦無。淺溪流更急。危坂石全枯。復有何人在。西臺路已蕪。  
渡河初息檝。便欲返雲間。似我久留滯。羨君頓往還。鱸魚秋正美。叢桂晚堪攀。待與吳郎約。春風問泖山。

哭李珣士

所悲非一緒。有淚直如泉。握手新秋候。高齋欲暮天。那堪成死別。真復悔遊鞭。落月空庭色。歸來倍黯然。  
及爾同年少。論交車馬間。居然獲白鬚。猶自卧青山。野艇朝垂釣。孤燈夜掩關。百年成噩夢。回首儘追攀。

南國兵戈日。紛拏起壯圖。移時化猿鶴。決計狎鷗鳧。愁爾驚機矢。怜余去遠途。酒酣時激烈。轉令媿携扶。

過范氏東籬和壁間韻

築圃隣城曲。為樵亦郭西。紛紜怜野馬。俯仰嘆醯鴉。池水通溪漲。炊烟映竹低。欲歸仍久坐。深恐再來迷。  
緣溪桃萬樹。偏愛客頻來。久已忘塵鞅。何須問劫灰。風前時倚杖。花底共啣杯。應及春深好。朝看一回。

與姜西溟

與爾同為客。蕭然江上身。雲濃初送臘。梅凍尚禁春。短燭愁花地。長

宵怨鼓句商量度除歲真擬向誰人

與顧且菴

拂袖歸何久。林泉意有餘。開樽常對客。築室徧藏書。花影空簾暗。江聲小閣虛。平生無限事。托興意何如。漁磯春水滿。猶記泊君舡。少壯過從日。蒼茫三十年。青驄燕市遠。画舫楚江偏。匏落吾何似。新詩只浪傳。近事群公在。閒身歲月賒。經綸過亭榭。踪跡且烟霞。漫共苗詩卷。春風識鬢華。千秋謝安石。好復為君誇。

贈曹石閭移居

移家復何處。不遠舊西隣。花影垂簾密。鶯聲隔院頻。鈿車油壁路。玉案画屏春。愛弟如相憶。關河有細鱗。

過王山長

曾記君兄弟。燕城共旅人。從容論詩彙。鄭重數家珍。道路三千里。風塵二十春。燕山還邂逅。相問欲沾巾。

渡黃河

停騎尋舟渡。悽悽恨轉多。三秋增白浪。一葉渡黃河。蝸舍流民聚。宣房處玉多。丹砂與瓠子。千古竟如何。

和阮亭梅雪

寒壑冬威早。光搖暝色遲。望中迷翠岫。積處折疎枝。簑笠漁翁艤。  
羊學士卮。摠輸高卧客。楚調發新詩。

和阮亭見贈原韵 二首存一

園廬接廣武。携手不勝情。只是應燒竹。何如且鑄耕。芙蓉正堪採。鴉  
已先鳴鼓。世吾將却。江湖秋水生。

和陳丙齋紀遊原韵 八首存三

城南崇壽寺。聞說似江南。燕子巢低屋。魚苗種小潭。花鯨開勝錦。草  
嫩短于簪。好及炎蒸淺。招携試共探。

乘興隨朝爽。城闌縱轡過。綠溪高柳直。隔水亂烟多。衝浪魚依藻。穿  
林馬踏莎。望中何處好。老眼更摩娑。  
中頂地偏勝。祇園花亦饒。松陰圍古殿。荷氣漲平橋。野草連斜徑。晴  
雲卷薄霄。遠山眉黛嫵。吾看亦妖嬈。

送武曾 六首存三

上書寧不可。歸去亦殊佳。春水時平砌。秋花正滿階。琴尊分客座。雲  
物護書齋。且復多同調。吟詩好散懷。

文譽推遐叔。詩名繼玉溪。只今天下士。誰與古今齊。典則傳家學。風  
騷拔艷題。直教齊得喪。何必更栖。

濩落浮生態。蒼茫老大慙。那堪失群雁。直是再眠蚕。遠夢還江上。家

風自劍南知君應憶我。衰鬢白髮。

送董若水

曾訪茸城外。蕭條獨閉關。亂堆書萬卷。小築屋三間。偶逐公車出。仍驅匹馬還。浮雲自舒卷。未擬負青山。舊遊頻入夢。此去好相羊。錢起原詩。仰張顛自酒狂。溪翁垂釣渚。隣叟種花庄。况復堂中客。同君泛一航。散髮吾何似。支離四十年。相看愁別袂。深媿滯歸鞭。老知英雄賤。悲來歲月遷。賦詩聊共遣。切勿令人傳。

送吳天章歸晉 六首存一

放歸君最得。碧草正萋萋。駟路侵山色。鶯聲並馬蹄。天低虞坂外。家在玉溪西。倘過王官谷。林烟有舊題。

秋鳥

商律迎秋氣。西風集候禽。不知誰遣爾。空羨此林深。乍浦非幽壑。虞羅只共尋。含椒君莫問。辛苦自沉吟。

與李斯年

武塘三月暮。花裡駐遊鞭。寂寞過韶歲。栖遲且判年。去留堪一笑。愴慨為誰憐。此夕清尊罷。淒淒檠燭前。

同韻與翼王

應笑千金帚何如市買鞭吳門慙寄跡絳縣耻微年似尔才何徒人  
間或早傳浪遊真自喜差得活尊前

賦得二月江南好四首存二

二月江南好重綿漸減衣花暎尋蝶却柳市浴蚕歸子猷庭梅脆香  
炊野菜肥農書吾亦諳好共返衡廓  
二月江南好花朝數仲陽踏青初霽雨送暑正銷霜試子衝魚浪分  
媒緊雉場桃花應始綻物候未蒼茫

壽楊艾田

西南兵又動忼慨拂行驪瘴嶺單車入蠻天露布傳主恩書一篋親  
舍夢三年最愛嬋娟服浮沉爾自覺

和佺廬計相送顧子田

江外南還客燕山送別觴雁蔡遲餞月虬箭苦吟霜老鬢年一改鄉  
心夜長關山何處笛應莫是伊涼  
六十年来事真驚轉瞬過練香聽夜雨眠酒對天河腸斷清商句魂  
銷詰曲歌至今傳好句遮莫是元和

新正五日朱右君招飲分韵得十三盞

尚書齋閣好春色一簾簾香動江梅檻光浮鄴架籤急觴消綠燦密  
坐落新蟾更有朱賢客頻翻阿鵲盞

送徐電發

似爾辭官去蕭然一腐儒江雲春渡雁驛樹曉啼烏月旦時情改風濤容夢孤東門車幾西也似昔人無

和仲夔韻

雄都瞻使節幕府借書生應有雞泉賦先從馬上城野雲增岳色官閣早秋聲旅客蒼茫思何時許共傾

同禹平和牧仲重遊洛河精舍寄悔人韻

鹿邑荒隣冷官署應知一倍清樹應添密影花想改新棚官事何妨了新詩好又成唱酬吾久廢為尔不禁情

和牧仲韻過朱悔人過金台公張師石梁藥亭

精舍凌晨過渾忘日欲斜泉香茶屢瀹容滿酒頻加旅况憐同調萍踪笑聚沙蒯生猶在否安得束如瓜  
人生如寄耳何處是他鄉吳楚家千里風塵客一堂圖書看不厭笑語自生香勿謂相從易秋來思渺茫  
舊遊渾不記老去畏多情公等才猶健吾應和未成書多容客坐暑退厭低棚候鳥吟仍急秋來晚更清

送何雪人之任溧陽

藥亭吾老友每語使君賢經術斯能信文章雅共傳一官初注牒試

手好烹鮮問道投金瀨雲岷望絲韞

題王幼臯

衰老燕山道重来特為君不堪六年別猶憶一帆分使傳歸單驛鄉  
心拍片雲為君籌出處不敢惜離群

蔡方麓極推拙詩因贈短什

同人邀避暑斜日尚論詩郊島才原拙元劉格易靡寸心甘苦候時  
論異同疑風雅吳興士憐君有獨知  
南還揚柳色何似薊門春有尔傳家學真堪慰故人未妨殊語默且  
復耐風塵吾久慙龍腹貪看意氣新

與禹平

南來風景好迢遞入吟鞭鴻雁歸何處山川自昔年鄉心遊子隔家  
學舊聞傳示我新詩卷洋、寶曆前  
霜雪堆雙鬢支離可咲余向來空画虎舊計失湛魚更計吟酬並翻  
愁歲月虛夢中殘錦段零落已無餘

和匡山贈別原韵兼寄一陶

枯極陵陽澆無勞問国工迹同春後雁身是夔餘桐耿、星河曙丁  
丁深嚮終明朝待分予願借石尤風

為陶介臣悼亡和聲山韵

讀罷安仁賦。懸知暗損神。玉奩猶整鏡。羅襪已生塵。宮漏偏長夜。江  
花自早春。家風追栗里。空羨翟夫人。  
逝矣誰能追。悲來未有涯。妾應思畫佛。愁祇托營齋。珮憶白眉贈。門  
維問寢堦。鷄鳴人獨起。無計強推排。  
天涯從宦遠。閨閣自殷。何意晞朝露。無論散曉雲。淚銷青玉案。夢  
斷鬱金裙。那更聞哀雁。嗚。也失群。

疊禹平送別韻

偶然驚聚散。那得不愁余。柳花飛新燕。蘆汀上子魚。良時應有托。勝  
事肯教虛。惆悵金閨外。孤蓬落照餘。

